

Fobitro Injil Shorif souta sifara al-Hannan Forisiti

al-Hannan sifarar talim oilo, Hozrot Isa al-Mosiu oila Allar kalam, ba Kalimatulla. Ou kalam oila, shoeong Allar buli ba aoaz, ze aoaze tamam zogotor zonom. Allar morzie ou kalame manshor surot faila, ar manush rufe duniat toshrif anla. Hozrot Isau oila Allar kalam, i kota koite gele amra buztam fari, qali tan usillaeu amra mohan Alla Pakor ashol didar ba forisoe fai.

Amra aro deki, duniat aia Hozrot Isae bout keramoti-kudroti kam qorsoin. Ermaz taki ou sifarat nishana ba sin hishabe bishesh shatqan keramotir bistarito boean qora oise, ze kam taki buza zae, Hozrot Isa al-Mosir zobanor buliu Allar kalam, tan kam oilo Allaru kam. I sifarar 20 nombor rukur 31 aeato ase, "Qali ou goqona oqol leqa oise, zate ota tilaot qoria tumra iman ano, Hozrot Isau Alla Pakor oada qora hou al-Mosi, tainu Ibnulla, Allar qas maezar zon, ar iman ania zate tan usillae tumra aqeri zindegi hasil qoro." ('al-Mosi', 'Ibnulla', 'Allar qas maezar zon', i shob nam-ufadir mani bangia deqba kitabor heshe 'Kitab Shutro' namor ongshot.)

I sifarat Hozrot Isae 'amiu' qoia nizor shatqan bishesh gaibi nam raqsoin. Ou shato nam oilogi: amiu zindegi-ruqi; amiu duniar nur; amiu duar; amiu ashol raqal; amiu kiamot ar zindegi; amiu fot, hok ar zindegi; ar, amiu ashol angur gas. I

gaibi nam oqol dia buza zae, qali tan usillae Allar didar faoa zae, qali tainu toraneala, duniar nazat deora zon, zein Adom zatire Iblisor qobza taki mukto qoroin.

Leqok forisiti ar shomoe

Alla Pakor hukume ou sifara leqsoin Hozrot Hannan (ra:). Tain Hozrot Isa al-Mosir 12 zon sahabir mazor ekzon. Hozrot Isa dunia taki behesto toshrif neoar onuman 40-50 bosor bade ou sifara leqa oise.

Ermaze ase,

- (1) Allar kalam manush surote nazil. *1:1-18 aeat*
- (2) Hozrot Ehia ar Hozrot Isa al-Mosir foela ummot. *1:19-51*
- (3) al-Mosir toblig ar keramoti qamor boean. *2-12 ruku*
- (4) Ummot oqolre Hozrot Isar aqeri talim. *13-17 ruku*
- (5) Hozrot Isar ufre zulum-mosibot ar tan ufat. *18-19 ruku*
- (6) Hozrot Isa moutor bade zinda oila ar boutedeqla. *20-21 ruku*

Allar kalam manush surote nazil (1:1-18)

¹ Foelau kalam asla, kalam Allar loge asla ar ou kalam nizeu Alla asla.

² Hoqol foela ou kalam Allar loge asla.

³ Ou kalamor mazdi hokkolta foeda qora oisil, zotota foeda qora oise, er kunutau tanre saqa foeda oise na.

⁴ Tan maze zindegi asil, hou zindegiu oilo manshor nur.

⁵ Ou nur andarir maze zoler, oile andaire i nurre qobza qorto farse na.

⁶ Allae Ehia namor eqzon manshore duniat faqaila.

⁷ Ou nuror befare shakki dibar lagi tanre faqail oilo, zate tan zobanbondi hunia manshe iman ane.

⁸ Tain nize hi nur asla na, oile nuror befare shakki dibar lagi duniat aisla.

⁹ Ashol nur oila hou zon, zein hokkol manshore nur dan qoroin, tain duniat toshrif anra.

¹⁰ Ou duniat tain asla, dunia tan usillae foeda oise, ta-o duniar manshe tanre sinlo na.

¹¹ Tain nizor zomino aila, tan nizor mansheu tanre qobul qorlo na.

¹² Oile zoto zone tan ufre iman ania tanre qobul qorla, era fortek zonre tain Allar qas aolad, mani maear zon bonar eqtiar dila.

¹³ Ashole ou zon oqolor zonom to manshor lou taki oise na, shorilor qash ba manshor ichchaeo oise na, ita qali Alla takiu oise.

¹⁴ Ou kalamu manush surote zonom loila ar amrar maze boshoti qorla. Bafor qas aolad hishabe tain ze zalal ar mohima faisoin, hou zalal ar mohima amra deqsi. Tain to hok ar rohomote shullo-ana kamil.

¹⁵ Ehia nobie tan befare boqo golae shakki dila, qoila, "Einu to hou zon, zen befare ami age qoislam, amar bade eqzone toshrif anra tain ama takio mohan, amar bout ag takiu to tain asoin."

¹⁶ Tain shullo-ana kamil oae amra hoqole rohomotor ufredi aro rohomot faisii.

17 Musa nobir marfote Allae shoriot dan qorsila, oile Isa al-Mosir marfote hok ar rohomot aise.

18 Allare to keu kunudin deqse na. Tan loge rora hou ekmatro fut, mani tan qas maear zon, zein shoeong Moula, tainu Allare zair qorsoin.

Hozrot Ehia (a:) ar Hozrot Isa al-Mosir foela ummot (1:19-51)

Hozrot Ehia nobir forisoe

19 Ihudi neta okole Zeruzalem taun taki zebila qoezon imam ar Lebi shomazor kisu manshore Ehia nobir gese faqaila, ou shomoe Ehiae erar gese shakki dila. Tara zebila zikaila, "Sab, afne ashole qe?"

20 Ehia nobie kunta na lukaia shikar oia qoila, "Ami to al-Mosi nae."

21 Teu tara tanre zikaila, "Te afne qe? Afne Hozrot Ilias nobi ni?" Tain qoila, "Na, ami Ilias nae." Ou tara zikaila, "Te afne kita agor zomanar hou nobi ni?" Tain zuaf dila, "Ji na."

22 Tara hirbar tanre zikaila, "Taile afne qe? Amrare zera faqaisoin, amra firia gia kita qoitam, afnar nizor forisoe kita?"

23 Ehiae zuaf dila, "Ami oilam hou aoaz, zen befare Hozrot Ishaea nobie batai gesoin,

Morubumir maze zure zure eqzone elan qorra, tumra Malikor fot sohi qoro."

24 Ehia nobir gese zerare faqail oisil, era asla Forishi shomazor manush.

²⁵ Tara tanre zikaila, “Afne zebila al-Mosio nae, Ilias nobio nae ba agor zomanar hou nobio nae, te afne ķene manshore toubar gusol dira?”

²⁶ Ehia nobie tarare zuaf dila, “Ami to manshore fani dia toubar gusol ķorairam, oile afnarar maze oula eķ buzurgzon asoin, zenre afnara sinoin na.

²⁷ Ein hou buzurg, zein amar bade toshrif anar ķota asil. Tan faor zutar fita gesa kular laķo ami nae.”

²⁸ Zordan gangor aroķ faro Baet-Ania gaut, Ehia nobi zeķano toubar gusol ķoranit asla, hono ou soal-zuaf oilo.

Allai meřar baichcha

²⁹ Bador din Ehia nobie deķla huzur Isa tan gese aira, deķia ķoila, “Ou deķrae ni Allai meřar baichcha, zen usillae hokkol manshor gunar mafi oe.

³⁰ Ein oila hou zon, zen befare ami age ķoislam, amar bade eķzone toshrif anra, ashole tain amar ag takiu asoin, ar tain ama takio ijjoti zon.

³¹ Age to ami tanre sintam na, oile Boni Israilor maze tain zate forisiti fain, otar lagi ami age aia manshore fanidi toubar gusol ķorairam.”

³² Bade Ehia nobie ou shakki dila, ķoila, “Ami deķlam ķoitoror surote Pak Ruh asman taki lamia aila, aia en ufre azila.

³³ Ami to tanre sintam na, oile toubar gusol ķoranir lagi zein amare bezisoın, tain amare batai disoin zen, Allai Pak Ruhre zar ufre lamia aite deķbae, einu hou zon, zein manshore Pak Ruhudi torikabondi diba.

³⁴ Te ami ita deklam, dekia hari shakki diram, einu Ibnulla, Allar kas maear zon.”

Hozrot Isar foela sahabi

³⁵ Bador din Ehia nobi ar tan duizon ummot hirbar hou zagat aila.

³⁶ Ou shomoe Hozrot Isa atia zaira, tanre dekia Ehiae koila, “Ou dekrae ni Allai merar baichcha.”

³⁷ Ehia nobir ou kota hunia hou duiozon Isar kore kore roana oigela.

³⁸ Isae koredi firia erare dekla, dekia koila, “Kita ba, tumra kita sao?” Tara zuaf dila, “Robbi, (mani ustad), afne kuai takoin?”

³⁹ Isae tarare koila, “Ao na, aia dekia zao.” Teu tara tan loge gela, gia dekla tain kun zagat takoin, ar tarao asta din tan loge roila. Ou shomoe asoror okt aichche.

⁴⁰ Ehia nobir kota hunia ze duizon Isar kore kore gesla, erar ekzonor nam oilo Andrias, en bair nam Saimon-Fitor.

⁴¹ Ou Andriase foela tan bai Saimonre tukaia bar korja koila, “Baisab huncho ni, amra to al-Mosire dekxi.” al-Mosir mani oilo Allar kelafoti faoa zon.

⁴² Andriase Saimonre loia Isar gese aila. Isae Saimonor bae saia koila, “Tumi to Saimon bin Iuhanna, oile okon taki tumare Koifa name daka oibo.” Koifa mani Fitor, ba fattor.

⁴³ Bador din Isae niot korla, Galil zilat zaitagi. Ou shomoe tain Filifre dekla, dekia koila, “O Filif ao, aia amar ummot o.”

⁴⁴ Filif asla Baet-Soeda gaur manush. Andrias ar Fitoror barjo asil ou gaut.

⁴⁵ Filife Notonelre tukaia bar koria koila, “Musa nobir Tourat kitabo ar asmani nobi oqolor sohifat zen kota leka ase, amra to tanre deksi. Tain to Nasarot gaur Isa, tan bafor nam Iusuf.”

⁴⁶ Ikan hunia Notonele Filifre koila, “Dut! Nasarot taki bala kunta baroe ni?” Filife koila, “Te aia deko.”

⁴⁷ Isae dekla, Notonel tan gese aira, dekia koila, “Ou dekrae ni ekzon qati Boni Israili. Tar maze kunu dundur-mundur nai.”

⁴⁸ Teu Notonele Isare zikaila, “Afne amare kemne sinla?” Isae zuaf dila, “Huno, tumare dakibar age tumi zebila hou dumur gasor tole aslae, hou shomoe ami tumare deksi.”

⁴⁹ Ikan hunia Notonele Isare koila, “Huzur, afneu to Ibnulla, Allar kas maear zon. Afneu Boni Israilor bashsha.”

⁵⁰ Isae tanre koila, “Tumare hou dumur gasor tole deksi oqan koae tumi iman anlae ni? Huno, er takio aro bout bozo bozo keramoti tumi dekbaene.”

⁵¹ Bade Isae koila, “Ami tumrare hok kota koiram, tumra dekbae behest kuligese, ar Al-lar firista oqol ami Bin-Adomor ufre uqa-lama korra.”

al-Mosir toblig ar keramoti kamor boean (2:1-12:50)

2

Hozrot Isae fanire anguror shorbot banaila

¹ Er duidin bade Galil zilar Kanna gaut ek bia asil. Hozrot Isar ma ou biat asla.

² Ou biat Isa ar tan sahabi oqoleo daot faisla.

³ Biar onuştano zebła anguror shorbot furai gelo, ou shomoe Isar ma'e Isare ҡoıla, "Erar anguror shorbot shesh oigese."

⁴ Isae tan ma're ҡoıla, "Mai go, ita to amar bishoe nae. Oқono amar shomoe oise na."

⁵ Oile tan ma'e ҡadimdar oқolre ҡoıla, "Oba, tain zeta ҡoin, otau ҡoro."

⁶ Ihudir shoriot mafik uzu ҡorar lagi hino fattoror soeťa gamla asil. Ita ekoťat onuman duiťin mon fani dorto.

⁷ Isae ҡadimdar oқolre ҡoıla, "Ou gamlainto fani boró." Teu tara iguin tefe tefe bori dilo.

⁸ Bade tain ҡoıla, "On taki tuŗa fani nia fordan babursire deo." Teu tara olau ҡorlo.

⁹ Babursie ou fani ҡaia deķla, ita to anguror shorbot. Oile i shorbot kuai taki ailo, ikan tain zanta na. Ґali ҡadimdar oқole zanto. Erlagi babursie biar noshare ҙakia ҡoıla,

¹⁰ "Foela hoқoleu manshoré ҡaťi shorbot ҡaite dey. Manshe ichchamoto ҡaoar bade zebła shesh oizae, ou shomoe ze shorbot dey, ita foela taki kisu bezal taķe. Oile tumi ҡaťi shorbot oқono rakso."

¹¹ Hozrot Isae Galil zilar Ґanna gaut nishana hishabe ou foela keramoti deķaia nizor mohima zair ҡorla. Ita deķia sahabi oқole tan ufre iman anla.

¹² Erbade Isae tan ma, baiain ar sahabi oқolre loia Kofornaum řauno gela, ğia ҡoedin hono roila.

Zeruzalem Baetul-Mukaddoso Isa al-Mosi

¹³ Ihudir Azadi Id gonai gele Isa Zeruzalem řauno aila.

¹⁴ Zeruzalemo aia tain dekla, fobitro Baetul-Mukaddos kaba goror shimanat kurbanir goru, meṛa ar faro besa-kina soler, ar teṛar baṭṭar ḳarbari oḳolo boi roisoin.

¹⁵ Ita dekia tain doṛi dia eḳ sabuk banaila, ar sabuk dia hoḳol goru-meṛa ar manshore in tone kedai dila. Ar teṛar baṭṭar ḳarbari oḳolor teṛafoesha sitraia, tarar kesh baksho ulṭaia falaila.

¹⁶ Faro besra oḳolre Isae ḳoila, “In tone hokkolta horao. Amar bafor gorre bazar banaio na.”

¹⁷ Ou shomoe pak kitabor ou ḳota sahabi oḳolor mono oigelo, “Tumar goror lagi amar ze mohobbot, ou mohobboteu amar dilor maze agunir laḳan zoler.”

¹⁸ Isar i ḳamor lagi Ihudi neta oḳole tanre zikaila, “Ita ḳorar odikar ze tumar ase, tar forman hishabe tumi kun keramoti deḳaibae?”

¹⁹ Tain zuaf dila, “Afnara ou kaba gor bangilaukka, ami tin dinor bitre hirbar tulmu.”

²⁰ Ikan hunia tara ḳoila, “I ebadot-ḳana bannaite soesallish bosor lagsil, ar tumi kita tin dinor bitre banailibae ni?”

²¹ Oile Isae ino Allar gor bolte nizor shorilor ḳotau ḳoisoin.

²² Erlagi Isa mora taki zinda oar bade sahabi oḳolor mono oisil, tain ou ḳotau ḳoisla. Teu sahabi oḳole pak kitabor ḳota ar Isae zeta ḳoisla, ota ekin ḳorla.

²³ Azadi Idor shomoe Isae Zeruzalem roia zeta keramoti ḳam ḳorsila, ita dekia bout manshe tan ufre iman anlo.

²⁴ Oile Isae nizore tarar gese dora dila na, ḳaron tain hoḳol manshore sinta.

²⁵ Manshor befare tan kunu shakkir zorur asil na, tain erar dilor qobor zanta.

3

Noea zonom ar ekinor befare talim

¹ Forishi okolor maze Nikodim name Ihudi okolor ekzon neta asla.

² Ekdin rait tain aia Isare koila, "Huzur, amra zani, afne ekzon ustad hishabe Allar ges taki aisoin. Afne zeta keramoti kam qorra, Alla loge na takle qeu ita qorto fare na."

³ Tain Nikodimre koila, "Ami afnare hasau koiram, noea qori zonom na loile qeu Allar bashshai deqe na."

⁴ Teu Nikodime tanre koila, "Manush buqa oigele hirbar zonom loe kila? Dusrabar ma'r feqo hamaia zonom loe ni?"

⁵ Isae zuaf dila, "Ami afnare hasau koiram, fani ar Pak Ruhu taki zonom na oile qeu Allar bashshait hamaito fare na."

⁶ Rokto-mangsho taki zetar zonom, ita to qali rokto-mangsho. Ar Pak Ruh taki zetar zonom, ita ruhu.

⁷ Ami ze afnare qoilam, noea qori zonom loa zorur, ete taijjub oiba na.

⁸ Batash tar zebae ichcha obae zae, ar afne tar aoaz hunoin, oile qoi taki ae ar qoi zae, ikan zanoin na. Te Pak Ruhu taki zerar zonom oise, tarar belaeo olaqan oe."

⁹ Nikodime Isare zikaila, "Ikqa kila oito fare?"

¹⁰ Isae zuaf dila, "Afne Boni Israilor ustad oiao ita buzoin na ni?"

11 Afnare hasau qoiram, amra zeta zani oqanu qoi, ar zeta deqsi ou befare shakki dei. Oile afnara amrar shakki manoin na.

12 Ami afnarare duniabi befare koile zebila ekin qoroin na, te behesti befare koile kila ekin qorba?

13 Zein behesto taqoin ar behest taki aisoim, hou Bin-Adom saqa ar qeu behesto utsoim na.

14 "Morubumir maze Musa nobie zela hafre usat tulchila, ola ami Bin-Adomreo usat tula oibo.

15 Zate ze zone amar ufre iman ane, he aqeri zindegil hasil qore.

16 Alla Pake duniar manshore oto beshi maea qorla, i maeal qatire tan qas maeal zonre dan qorla. Ze manshe ou maeal zonor ufre iman ane, he binash oe na, borong aqeri zindegil hasil qore.

17 "Allae manshore dushi forman qorar lagi tan maeal zonre duniat faqaisoim na. Ou maeal zonor qatire manshe zate nazat fae, erlagiu faqaisoim.

18 Ze zone ou maeal zonor ufre iman ane, tar kunu bisar oe na, oile ze iman ane na, tare ageu dushi shaibosto qora oigese. Qaron Allar eqmatro maeal zon, Ibnular ufre he iman anche na.

19 Tare dushi shaibosto qora oise, qaron duniat nur zair oise. Oile manshor bod qamor lagi nur taki andairre beshi bala faise.

20 Ze manshe bod qam qore, he nurre ginnae, tar bod qam oqol zair oizibo qori he nuror gese ae na.

21 Oile ze zon hok-halalir fote sole, he nuror gese ae, zate tar hoqol qam Allar munsha mafik oise qori forman oe."

Ehia nobie Isar befare koira

²² Erbade Hozrot Isa ar sahabi oḳol Ehudia elaḳat aila. Hino tain sahabi oḳolor loge kisu din ḳaṭaila ar manshore toubar gusol ḳoraila.

²³ Ou shomoe Salim namor eḳ gaur ḳandat Oinun namor eḳ zagat Ehiaeo toubar gusol ḳoranit asla. Hou zagat bout fani taḳae dole dole manush aia toubar gusol loila.

²⁴ Ehia nobire ou shomoeo zelo bondi ḳora oise na.

²⁵ Ou shomoe shoriot mafik pak-saf oar befar loia, Ehia nobir ummot oḳole Ihudir eḳ alimor loge torke lagai dila.

²⁶ Bade tain tain Hozrot Ehiaer gese aia ḳoila, “Huzur, zein Zordan gangor hofaro afnar loge asla, ar zar befare afne shakki disla, deḳra ni, hoḳol manush tan gese zairagi ar tain erare toubar gusol dira.”

²⁷ Ikan hunia Ehiae ḳoila, “Behest taki deoa na oile ḳeu kunta fae na.

²⁸ Tumrau to huncho, ami ḳoisi, ami al-Mosi nae, oile tan age amare faṭani oise.

²⁹ Zar gese koinnare bia deoa oe, einu nosha. Noshar duste ḳali ubaia noshar mat hunoin ar tan golar aoaz hunia kushi oin. Ou laḳan amar kushio aiz fura oilo.

³⁰ Tanre boṛo oite oibo ar ami hori zaitam oibo.”

Behest taki zein aisoin

³¹ Zein ufor taki ain, ein hoḳolor ufre. Oile ze dunia taki ae, he to duniar, he duniabi matu mate. Zein behest taki ain, tan ashon hoḳolor ufre.

³² Tain hono zeta deksoin ar hunchoin, otar shakkiu dein. Keu tan shakki mane na.

³³ Oile ze zone tan shakki kòbul korse, he oқан diau forman kore, Allar kalamu hasa.

³⁴ Allae zenre façaisoin, tain Allar kalamu batain, қaron Allae tanre furafur қoria Pak Ruh dan қoroin.

³⁵ Bafe tan futre, mani tan қas maear zonre maea қoroin ar tan atou hoқolta disoin.

³⁶ Ze manshe Allar қas maear zonor ufre iman anche, he ақeri zindegi failise. Oile ze tanre mane na, he kunumonteu ақer faito nae borong tar ufre Allar gozob foқbo.

4

Shomoriar betir iman

¹ Forishi oқole hunla, Hozrot Isae Ehia nobi taki beshi manshore tan ummot banaisoin, ar toubar gusol қoraira.

² Oile Isae nize toubar gusol қoraira na, tan ummot oқoleu қoraira.

³ Hozrot Isae i қobor faia, Ehudia zila saқia hirbar Galil zilat zaoar lagi roana oila.

⁴ Zaoar қalo tanre Shomoriar mazdi zaoa lagsil.

⁵ Foto tain Shomoriar Shuқar namor eқ gaur daro aila. Hozrot Iakube tan fua Iusufre ze zomin dan қorsla, ou zominқan asil hou gaur daro.

⁶ I zomino Hozrot Iakubor kua asil. Isa aқte aқte heran oia ou kuar қasat ziraila. Ou shomoe onuman duifor oigese.

7-8 Ermaze Shomoria zatir eḡ beṭie fani tulat ailo, ar kuar ḡasat Isa eḡla asla, ḡaron tan sahabi oḡol ḡani-fani loar lagi bazaro geslagi. Isae taire ḡoila, “O mai, amare tuṛa fani ḡaoaukka.”

⁹ Beṭie ḡoilo, “Ami to Shomoria zatir manush. Afne eḡzon Ihudi oia amar gese fani saira kila?” Beṭie iḡan ḡoilo, ḡaron Shomoria zatir loge Ihudi manshor kunuzat mil-mish ba sola-fira asil na.

¹⁰ Isae taire ḡoila, “Tumi zudi zantae Allar dan kita, ar ḡe tumar gese fani saira, te tumi nizeu tan gese fani sailae one, ar tain tumare zinda fani dila one.”

¹¹ Beṭie ḡoilo, “Sab, afnar gese to fani tular kunta nai, ar i kuao goin. Te zinda fani kuai taki faila?”

¹² Afne kunu amrar mul-murobbi Iakub nobi taki boṛo ni? Tainu amrar lagi i kua kudisla. Tain ar tan fuainteo ou kuar fani ḡaita, ar tan foshur falreo ḡaoaita.”

¹³ Teu Isae ḡoila, “Ze zone i kuar fani ḡaibo, tar hirbar fias lagbo.

¹⁴ Oile amar deoa fani ze ḡaibo, tar kunu shomoeu fias lagto nae. Borong i fani tar dilor maze zornar laḡan utlia uṭbo ar aḡeri zindeg i dan ḡorbo.”

¹⁵ Teu beṭie Isare ḡoilo, “Huzur, te amareo hou fani deukka, zate amar fias na lage, ar fanir lagi ino aoa na lage.”

¹⁶ Isae beṭie ḡoila, “Te zao, tumar zamaire ono loa a.”

¹⁷ Beṭie ḡoilo, “Sab, amar to kunu zamai nai.” Isae ḡoila, “Tumi ṭiku ḡoiso, tumar zamai nai.

¹⁸ Ḳaron er age to tumar fazon zamai oige-soin, ar oḡon ze tumar loge ase, he tumar zamai

nae. Tumi hasa kotau koilae.”

19 Ikan hunia beṭie Isare koilo, “Huzur, oḵon ami buzlam, afne eḵzon nobi.

20 Amrar baf-dadainte ou faṛor ufreu ebadot ḵorta, oile afnara ḵoin, Zeruzalemou manshor ebadot ḵora usit.”

21 Isae tanre ḵoila, “Huno, amar matḵan ekin ḵoro. Dekio, oula shomoe aibo zebła tumra i faṛor ufore, ba Zeruzalemor kunuḵano, gaibi baf Allar ebadot ḵortae nae.

22 Tumra zare sino na, tar ebadot ḵoro, oile amra zan ebadot ḵori, tanre amra sini. Zano ni, nazator fot to Ihudi oḵolor mazdiu aise.

23 Huno, ola shomoe aibo, borong oḵonu aichche, zebła ashol ebadotḵari oḵole hokkani ruhe gaibi baf Allar ebadot ḵorba. Gaibi bafeo olaḵan ebadotḵarir tallash ḵoroin.

24 Allatala oilagi ruh, erlagi zara tan ebadot ḵorba, tara hokkani ruhe tan ebadot ḵora lagbo.”

25 Bade ou beṭie koilo, “Ami zani, al-Mosi aira. Tain aia hoḵolta amrare zanaiba.”

26 Isae ou beṭire koila, “Amiu hein, zein oḵon tumar loge matira.”

27 Ou shomoe sahabi oḵole aia deḵla, Isae eḵ beṭir loge matira, deḵia tara taijjub oigela. Ta-o tara ḵeu zikaila na, afne kita saira ba en loge matira ḵene.

28 Bade beṭie tair fanir koila toia gaur manshore gia koilo,

29 “Tumra aia eḵzonre deki zao. Amar zindegit zeta ḵorsi, ita hoḵoltau tain koilisoın. Te tainu kita hou al-Mosi ni?”

³⁰ Ita hunia gaur manush baroia Isar gese aoa dorla.

³¹ Bade tan sahabi oqole tanre onurud qori qoila, "Huzur, kunta qaukka."

³² Tain qoila, "Amar gese ila qani ase, ze qanir befare tumra zano na."

³³ Ikan hunia sahabi oqole eke-oinne zikaila, "Te tanre qeu kunu qani ania dise na kita?"

³⁴ Teu Isae tarare qoila, "Zein amare bezisoin, tan morzi mafik tan qam fura qorau amar qani."

³⁵ "Tumra qo na ni, 'Ar sair mash badeu foshol qatar shomoe aibo'? Oile ami tumrare qoiram, bala qori eqbar ketedi saia deqo, foshol fakia qatar zuka oigese."

³⁶ Foshol qatrae oqonu beton faira ar aqeror lagi foshol dola qorra. Erlagi zein zala bain dein ar zein foshol qatoin, duiozonu homan kushi oin.

³⁷ Ete ou silleqor forman oe, 'Eqzone bain dein, aroqzone qatoin.'

³⁸ Amio tumrare ola foshol qatat faqaisi, ze fosholor lagi tumra menot qorso na. Oinno manshe menot qorse ar tumra ou menotor foshol qatiso."

³⁹ Ze beqir zindeqir hoqolta Isae qoilisoin, ou beqir shakki hunia hou gaur bout Shomoria manshe Isar ufre iman anla.

⁴⁰ Tara Isare gia minot qori qoila, tarar oqano roibar lagi. Erdae tain duidin hono roila.

⁴¹ Ou shomoe tan talim hunia aro bout manshe iman anla.

⁴² Ar gaur manshe ou beqire qoila, "Tumar qotae amra iman anchi na, amra nizeu tan mat hunia buztam farsi, einu zogotor ashol toraneala."

Hozrot Isar dusra keramoti

⁴³ Shomoriat duidin roia hari Hozrot Isa nizor bari Galil zilat gelagi.

⁴⁴ Zudio tain age koisla, kunu nobireu nizor desho dam deoa oe na,

⁴⁵ tebou ou shomoe tara tanre qobul qorla. Qaron idor shomoe Isae Zeruzalemo zeta keramoti deqaisla, Galilor manush hono taqae tara ita deqla qori tain Galilo aile tara qobul qorla.

⁴⁶ Bade Isa hirbar Galilor Qanna gaut gela. Onou tain fanire anguror shorbot banaisla. Kofornaum tauno eq shorqari ofisaror fua kub bemar asil.

⁴⁷ Hozrot Isa Ehudia taki Galil aisoin hunia, ou ofisar tan gese gia minot qorla, tain zanu Kofornaum gia en fuagure bala qoroin. Ou shomoe tan fua morar foti oigesil.

⁴⁸ Isae ou ofisarre koila, "Kunu nishana ba keramoti qam na dekle afnara kunumonteu iman anta nae."

⁴⁹ Teu ofisare koila, "Huzur, doya qori zoldi aukka, fuagur zan taqte aukka."

⁵⁰ Isae tanre koila, "Afne zaukkagi, afnar fua bala oigese." Isar qota ekin qoria ein gelagi.

⁵¹ Hasau, hou ofisar barit zaoar fote tan gulam oqole aia qobor qoilo, "Sab, afnar fuar bemar qomigese."

⁵² Tain erare zikaila, "He kun shomoe bala oise?" Tara koila, "Qail duifor taki tan taf sari dise."

⁵³ Teu ofisaror mono oilo, tik duifori bala Isae tanre koisla, "Afne zaukkagi, afnar fua bala oigese." Erlagi ou ofisar ar tan foribaror hoqole Isar ufre iman anla.

⁵⁴ Hozrot Isa Ehudia tone Galilo aoar bade ou dusra keramoti nishana deķaila.

5

Isae aṭṭish bosoror bemarkire bala ḳorla

¹ Itar bade Ihudi oḳolor idor shomoe aile Isa Zeruzalemo gelagi.

² Zeruzalemo meṛa-dorzar ḳandat eḳṭa furki asil, ou furkit siṛi banda faṣḳan gaṭ asil, faso gaṭor ufre faṣḳan sauni. Ibrani bashae i furkir nam Baet-Soda.

³ Ou gaṭo bout zator bemarki foṛi roito. Lula-lengṛa, anda, ar bemarki zerar shoril ekkebare hukai gese, tarao ono roito.

⁴ Maze maze eḳzon firista aia ou furkir fani laṛaita, laṛanir baḋeu foela ze zon fanit lamto, tar zoto boṛo bemarki ouk bala oizito. Erdae ou bemarki oḳole fani laṛanir ashae ono foṛi roito.

⁵ Erar maze ola eḳzon bemarki asil, ze beṭa aṭṭish bosor taki bemarki.

⁶ Bout din taki he ono foṛi roise hunia Isae tare zikaila, “Kita ba, tumar iḥcha ni tumi bala oizitae?”

⁷ Beṭae ḳoilo, “Huzur, amar to ila ḳeu nai, zein fani laṛanir loge logeu amare furkit lamaito. Ami lamte lamte aroḳzon gia lami zae.”

⁸ Isae ere ḳoila, “Te uṭo, tumar bisna loia aṭa-sola ḳoro.”

⁹ Loge logeu ou bemarki bala oigelo, ar tar bisna tulia sola-fira ḳorlo.

Hi din asil Zummabar, Zummabare kunuzat ḳam ḳora zaiz nae.

10 Erdae Ihudi neta oḳole ou beṭare ḳoila, “Aiz to Zummabar, te aiz tumar bisna tulia neoa zaiz nae.”

11 Oile he ḳoilo, “Zein amare bala ḳorsoin, tainu amare ḳoila, uṭo, tumar bisna loia aṭa-sola ḳoro.”

12 Teu neta oḳole beṭare zikaila, “Ou manushgu ḳegu, zegie tumare ḳoise, bisna loia sola-fira ḳortae?”

13 Oile ou beṭae to zanto na tain ḳe, hi zagat bout manshe bir ḳorilisoin dekia, Isa hin tone geslagi.

14 Bade Isae ou beṭare Baetul-Mukaddoso faia ḳoila, “Huno, tumi to bemar taki bala oigeso. Te ar kunu guna ḳorio na, zate tumar shorbonash na oe.”

15 Teu ou beṭae gia Ihudi neta oḳolre ḳoilo, tare zein bala ḳorsoin, en nam Isa.

Hozrot Isar Allai eḳtiar

16 Isae Zummabare bemarire bala ḳorae Ihudi neta oḳole tanre marilita saila.

17 Oile Isae tarare ḳoila, “Huno, amar gaibi bafe hamesha ḳam ḳorra ar amio ḳorram.”

18 Ikan hunia tara tanre zane marar lagi aro gorom oia fot tukanit roila. Tara mono ḳorsil, tain ḳali Zummabaror niom bangisoin na, tain Alla Pakre baf ḳakia shirikio ḳorsoin.

19 Erlagi tain ou neta oḳolre ḳoila, “Ami nichchit hok kota ḳoiram, fute to nize nize kunta ḳorta faroin na, oile tan bafore zeta ḳam ḳorat deḳoin, tain ḳali otau ḳoroin, bafe zeta ḳoroin, futeo to ota ḳoroin.

²⁰ Bafe tan futre maea qoroin ar tain nize ze kam qoroin, ita hokoltau futre deqain. Ar ita taki aro boꝛo boꝛo kudroti kam futre deqaiaba, zeta dekia afnara taijjub oiziba.

²¹ Bafe zela murdare zinda qori tuloin, futeo oula zerare ichcha zindegı dan qoroin.

²² Bafe qeuror bisaro qoroin na, tan hoqol bisaror bar futor ato disoin,

²³ zate bafore zela hoqole ijot qore, oula futreo ijot qore. Futre ze ijot qore na, he ashole hou bafreo ijot qore na, zein i futre bezisoin.

²⁴ “Ami afnarare hasa qota qoiram, ze zone amar kalam hune ar zein amare faqaisoin tan ufre iman ane, he to aqeri zindegı failise. Tare ar dushi shaibosto qora oito nae. He to mout taki zindegıt faꝛı dilaise.

²⁵ Ar ami hasau qoiram, ila eꝛ zomana aibo, borong oqonu aichche, zebła murda oqole ami Ibnullar golar aoaz hunba, ar zara hunba tara zinda oiba.

²⁶ Itar qaron oilo, baf nize zela zindegır malik, tan futreo oula zindegır malikana disoin.

²⁷ Bafe futre manshor bisar qorar eqtıar disoin, qaron einu to Bin-Adom.

²⁸ Te ita hunia afnara taijjub oiba na, zanoin ni, oula shomoe aior, zebła Allar futor golar aoaz hunia murda oqol qoebor taki baroia aiba.

²⁹ Ar zera nek kam qorsoin, tara behesti zindegı faoar lagi uqba, oile zera naformanır maze zindegı qataise, tara uqba shaza faoar lagi.

³⁰ “Ami to nize nize kunta qortam fari na, ami zela huni ola bisar qori. Ami hok bisar qori, qaron ami amar nizor ichchae kam qortam

sai na, ali zein amare faaisoin tan morzi fura ortam sai.

Nizor befare Hozrot Isa

³¹ “Ami zudi nizor befare nize shakki dei, te i shakki shotik nae.

³² Oile dusra zoneo amar befare shakki dira, ar ami zani, tain ze shakki dira, ita hasa.

³³ Afnara to Ehia nobir gese obria faaia zikaisoin, taino hokor fokke shakki disoin.

³⁴ Ar ami kunu manshor shakkir ufre borosha ori na, oile afnara zate nazat faia zan basaita faroin, erdae ita oiram.

³⁵ Hozrot Ehiau asla hou zalail mushal, ze mushale for disil. Afnarao tua oedin ou mushalor foror maze kushi orte razi oisla.

³⁶ Oile Ehia nobir shakki toneo aro boo shakki amar ase, aron amar gaibi bafe ze amor lagi amare faaisoin, ami otau orram. Ar ou amor shakkieu buza zae, amare amar gaibi bafe bezisoin.

³⁷ Tainu to hou baba, zein amare faaisoin, tain nizeo amar befare shakki disoin. Afnara kunu shomoe tan golar aoaz hunchoin na, ar tanre deksoino na.

³⁸ Esara tan kalam to afnarar dilo roe na, aron tain zare faaisoin, en ufre afnara iman anoin na.

³⁹ “Afnara to kub mon dia asmani kitab tilaot oroin, mono oroin ita tilaot orle aeri zin-degi faiba. Oile ou kitabeu to amar befare shakki dey.

⁴⁰ Erbadeo afnara zindegi faoar lagi amar gese aita sain na.

41 “Ami to manshor ges taki tarif faoar ashae aisi na,

42 oile ami zani, Allar bae afnarar kunu mohobbot nai, ami to afnarare sini.

43 Ami amar gaibi bafor nam loa aisi, ta-o afnara amare ekin qorra na. Oile dusra qeu zudi tar nizor name ae, te tare afnara ekin qorba.

44 Afnara eke-oinnor ges taki tarif faita sain, oile ze tarif Allar ges tone faoa zae, itar lagi kunu sesta qoroin na. Te afnara qemne ekin qorba?

45 Afnara mono qorba na, ami amar babar gese afnaintore dushi banaimu. Oile ze Musa nobir ufre afnara borosha qori asoin, hou Musaeu afnaintore dushi qoira.

46 Afnara zudi Musa nobire ekin qorta, te amareo ekin qorla one, i Musa nobie to amar befareu leksoin.

47 Oile afnara zebila tan lekareu ekin qoroin na, te amar mukor qotare kila ekin qorba?”

6

Fas azar manshor gaibi qani

1 Erbade Hozrot Isa Galil aoror hofaro gelagi, ou aoror aroq nam Tibiria aor.

2 Bout manush tan qore oia zaoat asla, tara to deqsila, bemari oqolor ufre tain kila keramoti kam qorsoin.

3 Hono gia hari tan sahabi oqolre loa eq fafor ufre boila.

4 Ou shomoe Ihudi oqolor Azadi Id gonai aise.

5 Isae saia deqla, bout manush tan gese utia aira, ou tan sahabi Filifre qoila, “Ita manshore qaoanir lagi amra ruqi faimu kun zagat?”

6 Ashole Filifre forikka qorar lagi tain ikan zikaila, oile kila kita qorba, ikan tain ageu zanta.

7 Filife zuaf dila, "Erare tuqa tuqa qani dileo dui-sho dinaror ruqie kulaito nae."

8 Hono Andrias name Hozrot Isar eq sahabi asla. Tain oila Saimon-Fitoror bai.

9 Tain Isare qoila, "Huzur, ono huru eq fuar gese faskan atar ruqi ar duiqa biran mas ase, oile oto manshor maze itae kita oibo?"

10 Isae hukum dila, "Tumra ota manshore gashor ufre boai deo." Teu tara gashor ufre boigela. Ino qali beqa manushu asla onuman fas azar zon.

11 Bade tain ou faskan ruqi ato loia Allar shukria adae qoria erare baqia dila. Oula biran maso baqia dila. Ze zoto sailo, he otoqan failo.

12 Hoqol manshe feq bori qailo. Qaia harle Isae tan sahabi oqolre qoila, "Qanir bade zeta roise, tumra ota eqano dola qoro, kunta falaio na."

13 Era ou faskan ruqir barti tqukrain dola qoria baro tqukri borla.

14 Hozrot Isar i keramoti dekia manshe mata-mati lagaila, "Nichchoe einu hou nobi, zein duniat toshrif anar kota."

15 Teu Isae buzilila, manshe zur qoria tanre tarar bashsha bananir lagi dorto sar. Oqan buzia tain hirbar eqlau faqor ufre gelagi.

Aoror fanir ufredi aqa

16 Hainjabala Isar sahabi oqol aoror faro gela.

17 Ar Kofornaum qauno zaita qori nao loia aor faqi deoat lagla. I shomoe andair oigesil ar Isao tarar loge asla na.

18 Aoror mazqano zaitau kub tufani batash ar boqo boqo qeu shuru oilo.

19 Onuman tin-sair mail nao baia zaoar bade tara dekla, Hozrot Isa fanir ufredi atia tarar gese aira. Ita dekia sahabi okole kub dorraigela.

20 Ou shomoe Isae tarare koila, “doraio na, i to ami.”

21 Sahabi okole tanre nao-o tulta saila, ar tara ze zagat zaoar kota, loge loge nao gia hono fosi gelo.

Zindegi-ruṭir befare boean

22 Aoror hofaro zeta manush uba asla, bador din tara buzla, agor din ino ekan nao sara dusra kunu nao asil na. Tara ekanano buzla, Isa tan sahabi okolor loge nao-o utsoin na, borong tara eklau aor faroisoin.

23 Oile ze zagat Isae Allar shukria adae korria hari manshore ruṭi kaoaisla, ou zagar gese Tibiria taun taki koekan nao ailo.

24 Manshe zebila dekla, Isa ba tan sahabi okol keu i zagat nai, ou tara ota naoainto utia Isar tallashe Kofornaum tauno gelagi.

25 Hono gia tara Isare faia koila, “Huzur, afne ino kun shomoe aila?”

26 Tain zuaf dila, “Ami tumrare hasa kota koiram, tumra amar keramoti nishanar mani buzia amare tukairae na, borong fet bori ruṭi kaiso koriu tukairae.

27 Okon huno, duniabi ze kani noṣto oizae, tar kore guria lab kita? Ze kani kunudin noṣto oe na, borong akeri zindegi dan kore, tar kore oia guro. I kani to ami Bin-Adome tumrare dimu. Ou ektiar kali amar ase, amar gaibi baf Allaeu itar forman dekaishoin.

28 Ikan hunia tara Isare zikaila, “Te Allar kam qorar lagi amra kita qortam?”

29 Tain qoila, “Allae zare faqaisoin, tan ufre iman anau oilo Allar kam.”

30 Erbade tara tanre zikailo, “Te afne omon kita nishana dekaiba, zeta dekia amra afnar ufre iman anmu? Afne kun kam qorba?”

31 Amrar baf-dadae to morubumit manna qaisla. Pak kitabo leqa ase, Allae tarare behesti qani qaoaila.”

32 Isae zuaf dila, “Ami tumrare hok kota qoiram, behesti ze ruqi tumra faislae, ita to Musa nobie disoin na, borong amar gaibi bafeu tumrare ashol behesti ruqi dan qoroin.

33 Ar Allar deoa hou ruqi oila ou zon, zein behest taki lamia aia hara zogotre zindegidein.”

34 Teu tara qoilo, “Huzur, te ou ruqiu amrare hor-hamesha deukka.”

35 Isae qoila, “Amiu hou zindegidein-ruqi. Ze zon amar gese ae, tar kunu shomoe buk lage na, ar ze amar ufre iman ane, tar kunu shomoe faseo dore na.

36 Ami to tumrare mukdi qoisio, ar tumra amare dekiao iman anlae na.

37 Amar gaibi bafe zerare amar ato dein, tara hoqolu amar gese aibo. Ze zon amar gese ae, ami kunumonteu tare bare falaitam nae.

38 Ami kunu amar morzi mafik kam qorat aisi ni? Na, borong zein amare faqaisoin, tan morzi zugaia kam qorar lagiu ami behest taki lamia aisi.

39 Huno, ze bafe amare faqaisoin, tan munsha oilo, tain zerare amar ato disoin, ami zanu era eqzonreo na arai borong ruz hashoro erare zinda halote tuli.

40 Amar bafor munsha oilo, zara tan futre dekia tan ufre iman ane, tara zanu aker fae. Ar amiu tarare ruz hashoro zinda kori tulmu.”

41 Ikan hunia Ihudi neta okole Isare loia kanagusha lagaila. Karon tain age koisla, “Behest taki ze ruṭi lamia aise, amiu hou ruṭi.”

42 Erlagi tara nize nize koila, “Ogu to Iusufor fua Isa nae ni ba? Amra to tar ma-bafreo sini. Te he kemne koe, he bule behest taki lamia aise?”

43 Isae tarare koila, “Tumra nazor maze kanagusha korio na.

44 Amar ze gaibi bafe amare faṭaisoin, tain ashik na banaile kunu manushu amar gese aito fare na. Ar amiu tare ruz hashoro zinda halote tulmu.

45 Zano ni, nobi okolor kitabo leka ase, ‘Tara hokole Allar ges taki talim loiba.’ Ar ze zone gaibi bafor ges taki talim faise, hou zonu amar gese ae.

46 “Ou bafore to kunu manshe dekse na, kali Allar ges taki zein aisoin, tainu i bafore deksoin.

47 Ami tumrare nichchit hasa kota koiram, ze zone amar ufre iman anche, he loge logeu aker failise.

48 Amiu zindegi-ruṭi.

49 Tumrar baf-dadainte to morubumit manna kaisla, ta-o tarar mout oise.

50 Oile ikan oilo hou ruṭi, ze ruṭi behest taki lamia aise, zate ou ruṭi kaia manush moron taki rehai fae.

51 Huno, amiu oilam hou zinda ruṭi, ze ruṭi behest taki lamia aise. Ze zone i ruṭi kaibo, he siroqalin zindegi faibo. Amar kaeau oilo ou ruṭi.

Manshore siroqalin zindegı dibar niote ami amar deho-kaea bilai dimu.”

⁵² Ikan hunia Ihudi neta oqolor maze torka-torki lagigelo. Tara eke-oinne koilo, “I beṭae kemne tar shorilor gust amrare kṭaoaibo?”

⁵³ Isae koila, “Te huno, ami nichchit hok kota koiram, tumra ami Bin-Adomor lou ar gust na kṭaile to tumrar maze zindegıu nai.

⁵⁴ Keu zudi amar lou ar gust kṭae, te he akeri zindegı failise, ar ruz hashoror dino ami tare zinda kori tulmu.

⁵⁵ Amar gustu oilo ashol kṭani ar amar lou-u oilo ashol fani.

⁵⁶ Ze zone amar lou ar gust kṭae, he amar bitre take ar amio tar bitre taki.

⁵⁷ Zela amar gaibi zinda bafe amare faṭaisoin, erlagıu amio zinda asi. Oula ze zone amare kṭae, he-o amar lagi zinda roibo.

⁵⁸ Dekrae ni, ou ruṭi to behest taki lamia aise. Ze ruṭi kṭaia tumrar baf-dadain mara gesoin, i ruṭi to amar laṭan nae. Amar ou ruṭi ze zone kṭaibo, he siroqal zinda roibo.”

⁵⁹ Hozrot Isae Kofornaum ṭaunor mosido talim deoar shomoe ita hoqolta koila.

Bout ummotor mono moto-birud

⁶⁰ Talim hunia hari tan ummotor mazor boute koila, “Ita to boṭo gorom talim. Ita kegie manbo?”

⁶¹ Oile Isae tan gaibi bole buzilila, kita loia era kṭana-gusha qorra. Buzia erare koila, “Ou talim hunia tumra gabri gelae ni?”

⁶² Te ami Bin-Adom age ze zagat aslam, amare zebła hono uți zaoat deķbae, ou shomoe tumra kita ķoibae?

⁶³ Tumra buzrae ni, manshor shoril to beķama, ashole ruh oilogi zindegi. Ami tumrare ze boeani ķoilam, ita oilogi manshor ruh ar zindegir befar.

⁶⁴ Oile tumrar maze ķeu ķeu oķono amar ufre iman anche na." Ke tan ufre iman anche na, ar ke tanre dushmonor ato dorai dibo, Isae foela takiu ita zanta.

⁶⁵ Ou tain ķoila, "Ou ķarone ami tumrare ķoisi, gaibi bafe bol na dile, kunuzonu amar gese aito fare na."

Hozrot Fitoror shakki

⁶⁶ Isar ita talim hunia tan bout ummot firia gelagi, tara tan loge sola-fira bad dilailo.

⁶⁷ Erlagi Isae tan barozon sahabire zikaila, "Kita ba, tumitaino zaitaegi ni?"

⁶⁸ Saimon-Fitore zuaf dila, "Huzur, amra ar ķar gese zaitam? Aķeri zindeganir talim to ķali afnar geseu ase.

⁶⁹ Amra to zanchi ar afnar ufre imano anchi, afneu Allar oada ķora hou fobitro zon."

⁷⁰ Teu Isae erare ķoila, "Ami to tumra barozonre fosond ķorsi, oile tumrar mazeu eķzon shoetan ase."

⁷¹ Ino tain Saimon Iskariator fua Ihudar befare ķoila, ou Ihudae bade tane dorai dibo. He asil ou barozon sahabir mazor eķzon.

7

Hozrot Isar afon baiain

¹ Erbad taki Hozrot Isa Galil zilar bitreu solafira korla. Ihudi neta okole tanre zane marilito saisil, erlagi tain ar Ehudia zilat zaita saila na.

² Ou shomoe Ihudi okolor Dera-goror Idor din gonai aisil.

³ Erlagi Isar baiainte tanre koila, "Tumi in tone Ehudia zilat zaogi, teu tumi zeta kam korso, ota tumar ummot okoleo dekba.

⁴ Keu zudi nizore manshor gese zair korto sae, te he lukaia kunta kore na. Tumio zebra omon kam korrae, te nizore manshor gese zair koro."

⁵ Ashole Isar baiainteo tan ufre iman anchoin na.

⁶ Isae tarare koila, "Amar shomoe okono oise na, oile tumrar to shomoe oshomoe kunta nai.

⁷ Duniar manshe tumrare ginnaito nae, oile amare gin kore. Ami to tarar befare koiar, tarar hokol kamu karaf.

⁸ Te tumra zaogi, gia id koro. Amar shomoe okono fura oise na, erlagi ami okon zaitam nae."

⁹ Okan koia tain Galil zilat roigela.

¹⁰ Tan baiain idor mahfilo gia harle taino gela, oile kula-mela na gia lukaia gela.

¹¹ Idor kalo Ihudi neta okole tan tallash korat roila, ar koila, "Hou manusha kuai."

¹² Bior maze Isar befare manshe mata-mati korla. Keu keu koilo, "Ein to boru bala manush." Ar keu keu koilo, "Na, na, he to manshore be-foti banailar."

¹³ Oile Ihudi neta okolre doraiia, muk kulia tan befare keu kunta matilo na.

Idor shomoe Hozrot Isar talim

¹⁴ Ou idor mazamazi shomoe Hozrot Isa Baetul-Mukaddos kaba shorifo gia talim dila.

15 Tan talim hunia taijjub oia Ihudi neta oḳole ḳoila, “I manshe madrashat na foḳia oto ilim failo kila?”

16 Isae zuaf dila, “Ami ze talim dei, ita amar nizor nae, zein amare bezisoin, ita to tanu talim.

17 Ḳeu zudi tan morzi zugaia solto sae, te he buzbo, i talim Allar ges taki aise, na amar muk taki diram.

18 Ze zone nizor mon taki mate, he ḳali nizor tarif faito sae. Oile ze zone tar faṭaneala malikor tarif ḳorar seṣṭa ḳore, he hamesha hok-halal taḳe, tar mono kunu dukabazi nai.

19 “Tumra kunu Musa nobir shoriot faiso na ni? Oile tumra eḳzoneo to shoriotor hukum-ahkam manrae na. Te tumra ḳene amare marilitae sairae?”

20 Teu tara ḳoila, “Tumare bute faise, tumare ḳe marto sar?”

21 Isae tarare ḳoila, “Ami ḳali eḳan ḳam ḳorlam, ar tumra taijjub oigelae.

22 Hozrot Musae to tumrare mosolmani ḳam ḳoranir niom disla, ar Zummabareo tumra ou ḳam ḳorao. Ashole, i niom Musa nobir ges taki aise na, borong agor moe-murobbir ges takiu aise.

23 Ṭik ase, Musa nobir niom salu raḳar lagi Zummabareo zudi mosolmani ḳam ḳorail zae, te ami Zummabare eḳzon bemaḳire bala ḳorsi dekia amar ufre gusa ḳorrae ḳene?

24 Hoḳ-insaf ḳoro, ḳali bargala dekia bisar ḳorio na.”

al-Mosi ḳe?

²⁵ Ou shomoe Zeruzalem ɽaunor kisu manshe ɽoilo, “Neta oɽole zare marilta saira, ogu kita hou manush nae ni?”

²⁶ Te he to deki kula-mela mater, ta-o tara deki kunta ɽoira na. Taile tara kita hasa ɽota buzilisoin ni, ou manushu al-Mosi?

²⁷ Ar amra to zani, ogu kuai taki aise. Oile al-Mosi zebila aiba, ou shomoe ɽeu zanto nae, tain kuai taki aisoin.”

²⁸ Erbade Isae Baetul-Mukaddoso talim deoar shomoe zure zure boean ɽorla, “Afnara amareo sinoin, ar ami kuai taki aisi ikano zanoin. Hunoukka, ami niz taki aisi na, hok Alla Pakeu amare faɽaisoin.

²⁹ Afnara tanre sinchoin na, oile ami sini. ɽaron ami tan ges takiu aisi ar tainu amare faɽaisoin.”

³⁰ Ikan hunia manshe Isare dorilito sailo, oile tan shomoe fura oise na gotike ɽeu tan gotro at tullo na.

³¹ Ar erar mazor bout tan ufre iman ania ɽoilo, “Ein to bout keramoti deɽaisoin, al-Mosi aia kunu er saite beshi keramoti deɽaiba ni?”

³² Ita loa manshe ɽana-ɽani ɽorra, ikan Forishi oɽole hunla. Hunia boɽo imam ar Forishi oɽole Isare dorar lagi ɽoezon faradar-sifai faɽaila.

³³ Isae ɽoila, “Huno, ami ar beshi din tumrar maze nae. Ami to tan gese zaimugi, zein amare faɽaisoin.

³⁴ Tumra amare tukaia faitae nae, ar ami ze zagat roimu, tumra ɽeu hino aitaao fartae nae.”

³⁵ Hozrot Isar ita mat hunia Ihudi neta oɽole eɽe-oinne zikaila, “He kuai zaibogi, zeɽano amra tare tukaia faitam nae? He kita Iunani oɽolor

desho zeta Ihudi asoin, hono roia Iunani otareo talim dibo ni?

³⁶ He to koilo, tumra amare tukaia faitae nae, ar ami zekano zaimu, tumra hino aitae fartae nae. Tar i mator mani kita?"

³⁷ Idor akeri din Hozrot Isa ubaia zure zure boean korla, "Kunu manshor fiase dorle, he amar gese aia fani kauk.

³⁸ Ze zone amar ufre iman ane, pak kitabor aeat mafik tar dil taki zinda fanir gang baroibo."

³⁹ Isar ufre iman ania zera Pak Ruhure faiba, hou Pak Ruhur befare tain ou kota koila. Tarar gese Pak Ruhure okono deoa oise na, karon Isae tan mohima okono hasil korsoin na.

Hozrot Isare loia doladoli

⁴⁰ Ita hunia kisu manshe koilo, "Ashole einu hou oada kora nobi"

⁴¹ Ar koezone koilo, "Einu al-Mosi." Oile keu keu koilo, "al-Mosi kunu Galil zila taki aiba ni?"

⁴² Pak kitabe to batae, al-Mosie zonom loiba Daud nobir bongshot, Daud nobir Betelham gaut."

⁴³ Ou lakan Isare loia manshor maze doladoli lagigelo.

⁴⁴ Ermaze koezone tanre dorilito sailo, oile keu tan gotro at tullo na.

⁴⁵ Isare dorar lagi ze faradar-sifai okolre fatani oisil, tara firot aile bozo imam ar Forishi okole zikaila, "Tare doria anlae na kene?"

⁴⁶ Era koila, "I manshe zela mat mate, ila mat keu kunudin matise na."

⁴⁷ Teu Forishi okole sifai okolre koila, "He tumrareo togililo ni?"

⁴⁸ Deġso ni, neta ba Forishi shomazor ƙeu tar ufre iman anche ni?

⁴⁹ Ƙali ou zetae shoriotor kuntau zanoin na, otau to. Itar ufre lannot ase.”

⁵⁰ Forishi oƙolor maze eƙzonor nam asil moulana Nikodim, ein age Isar gese gesla.

⁵¹ Nikodime ƙoila, “Ƙeuror mukor ƙota na hunia ba tar oforad na zania, tare shaza deoar niom kunu amrar shorioto ase ni?”

⁵²⁻⁵³ Ikan hunia Forishi oƙole Nikodimre ƙoila, “Tumio kita Galil zilar manush ni? Pak kitabo saia deƙo na, Galilo kunu nobir zonom oe na.”

8

Zinakur beƙir bisar

¹ Bade hoƙol manush zarzir baƙit gelagi, ar Hozrot Isa eƙla Zoetun faƙo gia uƙla.

² Bador din fozor oƙto Isa hirbar Baetul-Mukaddoso gela, gia harle hoƙol manush tan gese ailo. Tain ono boia tarare talim dila.

³ Ou shomoe moulana ar Forishi shomazor manshe eƙ zinakur beƙire loia tan gese ailo. Aia beƙire mozlisor mazƙano uba ƙoraia ƙoilo,

⁴ “Huzur, ou beƙi ogu zinar ƙamo dora ƙaise.

⁵ Te Tourat Shorifor maze to Musa nobie zinakur beƙintore fattor maria marilibar hukum disoin. Oƙon afne kita ƙoin?”

⁶ Tara Isare forikka ƙorar nioteu ila ƙoila, zate tanre dushi bananir lagi kunu kut fain.

Teu Isaeo mata nisa ƙori angul dia maƙit leƙat lagla.

⁷ Oile tara zebila bar bar tanre zikaira, ou shomoe tain mata tulia ƙoila, “Afnaintor maze

ze zone kunudin guna qorsoin na, ein foela ou beṭire fattor maroukka.”

⁸ Oqan qoia tain hirbar mata nisa qori maṭit leqat lagla.

⁹ Ikan hunia neta oqolor maze buṛa taki shuru qoria eḡe eḡe hoqolu gelagi. Qali Isa ar hou beṭi sara dusra qeu roilo na.

¹⁰ Teu Isae mata tulia ou beṭire zikaila, “Kita go mai, ita manush kuai? Qeu tumare shazar zuka mono qorlo na ni?”

¹¹ Beṭie qoilo, “Ji na huzur, tara qeu to shaza disoin na.” Ou shomoe Isae qoila, “Te amio tumare kunu shaza ditam nae. Oqon zaogi, gunar fote ar zindegı qataio na.”

Hozrot Isa al-Mosiu duniar nur

¹² Bade Hozrot Isae manshore qoila, “Amiu duniar nur. Ze zon amar fote ae, he kunu shomoe andarit fao falaito nae, borong nuror zindegı faibo.”

¹³ Ikan hunia Forishi oqole qoila, “Tumar shakki loa zaito nae, tumi tumar nizor fokke shakki dirae.”

¹⁴ Teu Isae zuaf dila, “Ami amar nizor fokke shakki dileo amar shakki to hasa. Qaron ami kuai taki aisi ar kuai zairam, ita to tumra zano na, qali amiu zani.

¹⁵ Tumra to duniabi manshor laqan bisar qoro, oile ami qeuror bisar qori na.

¹⁶ Ami qeuror bisar qorleo hok bisar qormu, qaron ami eqla nae, amar loge amar gaibi bafı asoin, ou bafe amare bezisoin.

¹⁷ Tumrar shoriotor maze leka ase, duizone zudi eḡ homan shakki dey, te i shakki hasa.

18 Olağan amio amar fokke shakki dei, ar ze bafe amare faţaisoin, taino amar fokke shakki dein.”

19 Forishi o ole tanre  oila, “Tumar baf kuai?” Isae zuaf dila, “Tumra amareo sino na, ar amar bafreo sino na. Amare sinle amar bafreo sinlae one.”

20 Fobitro Baetul-Mukaddosor dan-baksor gese ubaia Hozrot Isae ou talim dila. Oile tan shomoe fura na oae  eu tanre dorlo na.

Nizor moutor befare agam  obor

21 Hozrot Isae Forishi o olre hirbar  oila, “Ami to zaiargi. Gia harle tumra amare tukaibae, oile ar faitae nae, ami zeno zairam, tumra hino aitaeso fartaeso nae, tumra nizor gunar mazeu morbae.”

22 Ihudi neta o ole  oila, “He  ene  oilo, ami zeno zairam, tumra hino aitaeso fartaeso nae? He kita nize nize morizito ni?”

23 Isae  oila, “Ami aise ufre taki, ar tumra tole taki. Tumra i zogotor, oile ami to i zogotor nae.

24 Erlagi ami  oiram, tumra nizor gunar mazeu morbae. Tumra zudi ekin na  oro, amiu hein, te gunagar haloteu morbae.”

25 Ikan hunia neta o ole tanre  oila, “Tumi  e?” Tain zuaf dila, “Foela taki ami zela  oiram, amiu hein.

26 Tumrar befare matar ar bisar  orar boutta ase. Huno, zein amare fa aisoin tan maze to misa kunta nai. Ami tan ges taki zeta huni, otau i duniare zanai.”

27 Isae zen tan gaibi bafor  ota  oira, tara ita buzla na.

28 Erdae Isae koila, “Tumra zebła ami Bin-Adomre ufre tulbae, ou shomoe buzbae amiu hein. Ar eoğan buzbae, ami nize nize kunta qori na, amar gaibi bafe amare ze talim disoin, ou talimu ami batai.

29 Zein amare fațaisoin, tain nize amar loge asoin. Tain amar log sarsoin na, ami to hamesha ou kamu qori, ze kam qorle tain kushi oin.”

30 Isar i boean hunia bout manshe tan ufre iman anla.

Hozrot Ibrahimor qați aolad ke

31 Erar maze zeta Ihudi oqole tan ufre iman anchila, tain erare koila, “Tumra zudi amar qota moto solo, te tumra amar hasaror ummot.

32 Tumra hok sinbae ar ou hokeu tumrare azad qorba.”

33 Ikan hunia tara koila, “Amra to Hozrot Ibrahimor bongshor manush, amra kunu shomoeo qeuror gulam aslam na. Te tumi kila qoirae, amrare azad qora oibo?”

34 Hozrot Isae koila, “Ami tumrare hok kota qoiram, zera gunar maze zindegi qațae, tara gunar gulam.

35 Kunu gulam siroqal tar munibor barit taqe na, oile fut to siroqal taqe.

36 Erlagi fute zudi tumrare azad qoroin, te tumra hasaror azad oibae.

37 Ami zani, tumra Ibrahim nobir bongshor manush, tebou amare marilitae sairae, qaron amar nosiot tumrar bitre hamae na.

38 Ami amar gaibi bafor gese zeta deksi ota qoiram, ar tumra nizor bafor ges taki zeta hikso otau qorrae.”

³⁹ Ou shomoe tara Isare қоила, “Huno, Hozrot Ibrahimu amrar baf.” Tain қоила, “Tumra zudi Ibrahim nobir aolad oitae, te Ibrahimor laќan ќam ќorlae one.

⁴⁰ Ami Allar ges taki ze hok kalam faisii, otau tumrare ќoiram. Tebou tumra amare marilitae sairae, oile Ibrahimе to ila ќorsoin na.

⁴¹ Tumrar nizor bafe zeta ќore, tumrao ota ќorrae.” Ou tara Isare қоила, “Amra to funga fua nae. Amrar eќzonu baf asoin, ein oila Alla.”

⁴² Isae tarare қоила, “Asholeu Alla zudi tumrar gaibi baf oita, te amar bae tumrar maea taќlo one. ќaron ami Allar ges taki aisi ar oќon tumrar maze asi. Ami nize aisi na, tainu amare faќaisoin.

⁴³ Tumra amar ќota buzrae na, ќaron tumra amar ќota shoiќo ќortae faro na.

⁴⁴ Iblisu tumrar baf ar tumra tar aolad, erdae tumra tar ќaish fura ќortae sairae. Iblis to foela takiu kuni. He kunudin hokor maze boshot ќorse na, ќaron tar maze kunu hok nai. He zebла misa mate, ou shomoe he niz takiu mate. ќaron he beiman, ar hoќol beimani tar maz takiu foeda oise.

⁴⁵ Ami hok mat matiar erlagi tumra amare eќin ќorrae na.

⁴⁶ Tumrar maze ќeu amare gunagar forman ќorto farbo ni? Ami zudi hok mat mati, te amare eќin ќorrae na ќene?

⁴⁷ Ze manush Allar bonda, he Allar kalam hune. Tumra Allar nae gotike Allar kalam huno na.”

⁴⁸ Ou shomoe tara Isare қоила, “Amra to ќik kota ќoisi, tui Shomoria zator manush, tore bute

dorse.”

⁴⁹ Tain koila, “Na, amare bute dorse na. Ami amar bafore ijot kori, oile tumra amare bejjot korrae.

⁵⁰ Ami nize kunu ijot faitam kori kam kori na. Oile ekzon asoin, zein amar ijotor lagi kam koroin, tainu amar bisarok.

⁵¹ Ami tumrare hok kota koiram, keu zudi amar kota mane, he kunu shomoeu morto nae.”

⁵² Tara tanre koila, “Okon amra buzlam, tore tiku bute dorse. Ibrahim nobi ba aro nobi okol to mara gesoin, ar tui koire, keu zudi amar mat hune, he kunu shomoeo morto nae.

⁵³ Tui kunu baba Ibrahim takio booro ni? Tain nize ar baki tamam nobi okolu mara gesoin. Te tui nizore kita mono koros?”

⁵⁴ Isae zuaf dila, “Ami zudi nizor tarif nizeu kori, te er kunu dam nai. Amar gaibi baf, zanre tumrar Alla koia dabi koro, tainu amare ijot dan koroin.

⁵⁵ Tumra tanre sincho na, oile ami tanre sini. Ami zudi koi ami tanre sini na, te to tumrar lakan amio beiman oimu. Ami tanre sini ar tan hukum-ahkam mania soli.

⁵⁶ Tumrar baf Ibrahim nobie amar din dekar ashae kushi korsoin. Tain ita deksoin ar kushio oisoin.”

⁵⁷ Ihudi neta okole tanre koila, “Tumar boeosh to okono foinchash bosor oise na, te tumi Ibrahim nobire deklae kila?”

⁵⁸ Isae koila, “Ami tumrare hok kota koiram, Ibrahim nobir zonmor ag takiu ami asi.”

⁵⁹ Ikan hunia neta okole tanre marar lagi fattor

tukaia loila. Oile Hozrot Isae auri dia Baetul-Mukaddos taki baroia gelagi.

9

Hozrot Isae zonmor andare bala korla

¹ Hozrot Isa fotedi aña zaoar shomoe eķ anda beņare faila. He zonmo takiu anda asil.

² Ere deķia tan sahabi oķole tanre zikaila, "Huzur, ou manushgu ķar gunae anda oia zonmise? Tar nizor gunar lagi, na tar ma-bafor?"

³ Tain zuaf dila, "Tar nizor lagio nae, ar tar ma-bafor gunar lagio nae. Tar mazdi Allar lila-ķela zair oar lagiu ila oise.

⁴ Huno, zein amare bezisoin, shomoe taķte taķte tan ķam ķora amrar zorur. Rait gonaia ar, hi shomoe ķeu ķam ķorar ufae nai.

⁵ Buzrae ni, ami zotodin duniat asi, otodin amiu duniar nur."

⁶ Oķan ķoiaiu tain maņit sef falaia feķ banaila, bade ou feķ anda beņar sokut lagaia ķoila,

⁷ "Zao ba, Siloar furkit ģia doilao." Siloa mani faņani. He ģia souk doilo ar bala oia ailo.

⁸ Ikan deķia ari-fori ar zoto manshe tare age bik korat deķsila era ķoila, "Oĝu kita hou beņa nae ni, zegie ono boia bik korto?"

⁹ Ķeu ķeu ķoilo, "Oe, he to ou beņau." Ar ķeu ķeu ķoilo, "Deķte zudio tar laķan, oile he nae." Teu he nize ķoilo, "Ĵi-oe, amiu hou zon."

¹⁰ Ou tara ere zikaila, "Ķo sain, tumar souk bala oilo kila?"

¹¹ He ķoilo, "Isa namor ou manshe feķ banaia amar sokut lagaia ķoila, zao ba, Siloar fuķorir maze doia aoĝi. Ami ģia doilam ar bala oigelam."

¹² Tara ҡoila, “Ou manushgu kuai?” He ҡoilo, “Ami zani na.”

¹³ Ou ze beṭa anda asil, manshe tare doria Forishi oқolor gese loia gela.

¹⁴ Ҷaron Isae zedin feқ lagaia tar souk bala ҡorsla, i din asil tarar Zummabar.

¹⁵ Erlagi Forishi oқole hirbar tare zikaila, “Tumar souk bala oilo kila?” He ҡoilo, “Hou zone amar sokut feқ lagaia dila, ar ami gia doiau souke deқlam.”

¹⁶ Ou shomoe ҡoezon Forishie ҡoila, “I manushgu to Allar ges taki aise na. Deқrae ni, he Zummabaro mane na.” Oile ҡeu ҡeu ҡoila, “Gunagar manshe ilaқan keramoti ҡam ҡorbo kila?” Ota loia tarar maze doladoli lagigelo.

¹⁷ Tara hirbar ou manshore zikaila, “Tik ase, he to tumar souk bala ҡorse, erlagi tumi tar befare kita ҡo.” He ҡoilo, “Tain eқzon nobi.”

¹⁸ Oile ou beṭa zen age anda asil ar oқon souke deқer, Ihudi neta oқole tar ma-bafore na zikani forzonto ita ekin ҡorla na.

¹⁹ Tara tar ma-bafore zikaila, “Deқo sain, ogu tumrar hou anda fua ni, zegure tumra zonmor anda ҡo? Te he oқon souke deқer kila?”

²⁰ Tar ma-bafe ҡoila, “Ji-oe, he amraru fua ar he anda oia zonmisil.

²¹ Oile oқon kila souke deқer, ikan amra zani na. Ar ҡe tar souk bala ҡorsoin, ta-o ҡoitam fari na. He to boғo oigese, tareu zikaukka, tar befar he ҡouk.”

²² Tar ma-bafe Ihudi neta oқolor ҡore ola matila, ҡaron Ihudi neta oқole ag takiu ain ҡorsila, ҡeu zudi Isare al-Mosi ҡoia ҡobul ҡore, te tare shomaz taki bar ҡori deoa oibo.

²³ Erlagiu tar ma-bafe ƙoila, “He boɾo oigese, tareu zikaukka.”

²⁴ Neta oƙole dusrabar tare ania zikaila, “Tumi Allar name hasa mat mato. Amra to zani i manushƙa gunagar.”

²⁵ He zuaf dilo, “Tain gunagar na kita, ikan ami zani na. Ƙali oƙan zani, ami age anda aslam, oƙon souke dekiar.”

²⁶ Neta oƙole ƙoila, “Ƙo sain, he tumare kita ƙorse? Tumar souk kila bala ƙorlo?”

²⁷ Ou beƙae zuaf dilo, “Ami to ageu ƙoilam, oile afnara hunla na. Te oƙon ƙene ar hunta saira? Afnarao tan ummot oita saira ni?”

²⁸ Ikan hunia tara beƙare kub gala-gali ƙoria ƙoila, “Hoi, tui gia ogur ummot oisot, oile amra oilam Musa nobir ummot.

²⁹ Amra zani, Allae nize Musa nobir loge batchit ƙorsoin, oile i beƙa kuai taki aise, ita to amra zaniu na.

³⁰ Teu beƙae ƙoilo, “Ki taijjubi! Afnara zanoin na tain kuai taki aisoin, otoso tainu amar souk bala ƙorla.

³¹ Amra zani, naforman oƙolor ƙota Allae hunoin na. Oile ƙeu zudi Allar ashik bonia tan morzi zugaia sole, te Allae tar foriad hunoin.

³² Ar aiz forzonto ila huna gese na zen, zonmo taki anda kunu manshor souk keu bala ƙorse.

³³ Tain zudi Allar ges taki na aita, te ila ƙorta farla na one.”

³⁴ Neta oƙole tare ƙoila, “Tor zonom oise naformanir maze, ar tui amrare talim dire ni?” Oƙan ƙoia tara tare shomaz taki ekgori ƙorla.

³⁵ Isae hunla, neta oƙole ou beƙare ekgori ƙorsoin. Tain ou beƙare tukaia bar ƙoria ƙoila,

“Oba, tumi kita Bin-Adomor ufre iman ancho ni?”

³⁶ He қоילו, “Huzur, tain ќе? Amare қоукка, ami zate tan ufre iman antam fari.”

³⁷ Isae tare қоила, “Tumi tanre деқсо, ar tainu tumar loge матира.”

³⁸ Ou бегае қоילו, “Huzur, ami iman anlam.”
Оқан қоиау he Hozrot Isare soizda қорло.

³⁹ Isae қоила, “Huno, ami aisi i duniat bisar қорар лаги, zera anda asoin tara zanu bala oin, ar bala оқол anda oin.”

⁴⁰ Ou shomoe қоезон Forishio Isar қандат asla. Ikan hunia tara қоила, “Te afne kita қоита saira, amra anda ni?”

⁴¹ Isae қоила, “Tumra zudi anda oitae, te tumra kunu dushi oilae na one. Oile tumrau қоирае anda nae, erlagiu tumrar maze dush ase.”

10

Hozrot Isa al-Mosiu duar

¹ Hozrot Isae aro қоила, “Ami tumrare nichchit hasa қота қоирам, ze manush меғар gual-goror дуаredi na hamaia, oinno fote hamae, he to sur-қақait.

² Oile ze zon дуаredi hamae, he-u меғар рақал.

³ Gual-goror sokidare рақалре duar kulia dey. Меғainteo рақалор дақ hunoin ar рақале тарар nam dori дақи дақи бар қори ney.

⁴ Gor taki nizor меғaintore бар қориа harle, рақал тарар age age zae, ar tar меғain zae қоре қоре, қарон tar golar aoaz tara sine.

⁵ Tara kunubala osina kunu рақалор loge zaito nae borong tar ges taki bagibo, қарон osina kunu рақалор golar aoaz tara sine na.”

⁶ Isae Forishi oqolre hikanir lagi ou udahoron dila, oile tain kita buzaira, tara shomzita farlana.

⁷ Erlagi tain hirbar qoila, "Ami tumrare nichchit hok kota qoiram, meqar falor lagi amiu duar.

⁸ Amar age raqalor bab doria zeta aisla, iguin to sur-daqait asla, meqainteo tarar qota hunchoin na.

⁹ Amiu duar. Amar mazdi ze hamaibo, he tar zan basaibo. He bitre aoa-zaoa qorbo ar atiasoria qaibo.

¹⁰ Sure to qali suri, kun-qarafi ar binash qorar nioteu ae. Oile ami aisi zate tara zindegı fae, ar ou zindegı furafur bug kore.

¹¹ "Amiu ashol raqal. Ashol raqale tar meqar lagi nizor zan bilai dey.

¹²⁻¹³ Qali betonor ashae ze zone raqali qore, he qati raqal nae ar i meqaino tar nizor nae. Bag aoat dekleu he meqain falaia nizor zan basae. Qaron he qali betonor lagi raqali qore, meqaintor qota sintao qore na. Bage aia meqain doria neygi, teu tara fal bangia sitri zae.

¹⁴⁻¹⁵ Te amiu bala raqal. Amar gaibi bafe amare sinoin, ar amio amar bafore sini. Tik oula, ami amar meqaintoreo sini, ar amar meqainteo amare sinoin. Ami amar meqa falor lagi nizor zan dilairam.

¹⁶ Amar to aro meqain asoin, zeta i gual-goro nai, tarareo ami ante oibo. Tara nichchoe amar daq hunba, teu qali eqzon raqal ar eqta fal oibo.

¹⁷ "Bafe amare maea qoroin, qaron ami amar zan bilaimu zate hirbar firot nei.

18 Amar zan keu amar ges taki qarria nito nae, oile ami nizeu zan bilaimu. Mono rakio, zan deoar kemota zela amar ase, oula firot neoar kemotao ase. I daeitto ami amar gaibi bafor ges taki faisi.”

19 Hozrot Isar ita mat-kota hunia Ihudi neta okolor maze hirbar doladoli lagigelo.

20 Tarar mazor boute koilo, “Ogure bute dorse, he fagol, tumra ogur mat hunrae kene?”

21 Ar boute koilo, “Bute dora manshor mat to ila nae. Bute kunu andar souk bala kore ni?”

Hozrot Isa al-Mosir dabi

22 Bade Zeruzalem kaba goror dokol faoar idor shomoe aia azilo. Ou shomoe asil shitor din.

23 Hozrot Isa Baetul-Mukaddosor Bashsha Sulaimanor barindat ata-uti korra.

24 Ermaze Ihudi neta okol Isar sairobae dola oia koila, “Ar kotodin tumi amrare lotkaia raktae? Tumi zudi hasaror al-Mosi o, te forishkar kori amrare ko.”

25 Teu Isae zuaf dila, “Ami to koilam, oile afnara ekin korra na, ar amar gaibi bafor name ami ze kam kori, itaeo amar befare shakki der,

26 ta-o afnara ekin korra na, qaron afnara amar falor mera nae.

27 Amar merainte amar daq hunoin. Ami to tarare sini ar tarao amar kore kore roin.

28 Ami tarare akere zindegi dan kori, tara kunu shomoe binash oita nae. Keu amar ges tone tarare qarria nito nae.

29 Amar ze gaibi bafe tarare amar ato disoin, tain hokol taki mohan. Tan at taki keu kunta qarria nito fare na.

30 Ami ar baba, amra ek.”

³¹ Teu Ihudi neta oꝓole hirbar fattor loila tanre marar lagi.

³² Isae tarare ꝓoila, “Gaibi bafor hukum mafik bout bala bala ꝓam ami afnaintore deꝓaisi. Itar maze kun ꝓamor lagi afnara amare fattor marta saira?”

³³ Tara ꝓoila, “Bala kunu ꝓamor lagi amra tore fattor mariar na, tui to shiriki ꝓorre, erlagiu fattor marmu. Manush oia tui nizore Alla hishabe dabi ꝓorre.”

³⁴ Tain ꝓoila, “Afnarar shorioto leꝓa ase na ni, ‘Ami ꝓoilam, tumrau elahi’?”

³⁵ Te Allar kalam zerar gese nazil oisil, erare to tain nizeu Allar laꝓan ꝓoia ꝓakisoin. Ar pak kitabor ꝓota to bad deoa zae na.

³⁶ Te gaibi bafe zanre nizor lagi basia fosond ꝓorla ar duniat faꝓaila, ou ami zebra ꝓoilam, ami Ibnulla, te afnara kila ꝓoira, tui shiriki ꝓorre?

³⁷ Ami zudi amar gaibi bafor ꝓam na ꝓori, te afnara amar ufre iman anba na.

³⁸ Oile ami zudi amar bafor hoꝓol ꝓam ꝓoria taki, te amar ufre iman na anleo ita ekin ꝓoroukka. Teu afnara zanba, gaibi baf amar mazeu asoin, ar amio tan maze asi.”

³⁹ Ou shomoe hirbar tara Isare dorar seꝓta ꝓorla, oile tain in tone gaib oigela.

⁴⁰ Bade tain hirbar Zordan gangor hofaro gia roila. Age ou zagat Hozrot Ehiae manshore toubar gusol dita.

⁴¹ Hono bout manush tan gese ailo ar mata-mati ꝓorlo, “Ehia nobie to kunu keramoti nis-hana deꝓaisoin na, oile tain Hozrot Isar befare zotota ꝓoisla, ita furafur hasa.”

42 Oğan buzia honor bout manshe Hozrot Isar ufre iman anla.

11

Hozrot Isae murda Lasarre zinda qorla

¹ Lasar name eķzon manush bemar asla. Tan baři Baet-Ania gaut, Moriom ar Marta namor tan dui boino ou gaut roita.

² Koedin bade ou Moriomeu Isar fao-o kush-boeala ator maķaia, nizor matar suldi fao fusai diba. Ou Moriomor bai oila bemari Lasar.

³ Erlagi tan boinainte oğan qoia Hozrot Isar gese qobor faķaila, "Huzur, afnar maear manush kub bemar."

⁴ Qobor faia Isae qoila, "I bemar to tar moutor lagi oise na, borong Allar mohima zairor lagiu oise, zate er mazdi ami Ibnular mohimao zair oe."

⁵ Hozrot Isae Bibi Marta, tan boin ar Lasarre kub maea qorta.

⁶ Lasaror bemaror qota hunar badeo Isa ze zagat asla, hono aro duidin roila.

⁷ Bade tan sahabi oķolre qoila, "Ao, amra hirbar Ehudia zilat zai."

⁸ Sahabi oķole qoila, "Huzur, ou koedin age honor manshe afnare fattor marta saila, oķon afne hirbar hono zaita ni?"

⁹ Tain qoila, "Dinor bela to baro gonķa ase, ķeu zudi dinor bela sola-fira qore, he uķta ķae na, qaron he ou duniar for deķe.

¹⁰ Ar ķeu zudi raitor bela sola-fira qore, he uķta ķae, qaron tar maze kunu for nai."

11 Oğan ÷oia hari tan sahabi o÷olre ÷oila, “Huno, amrar dust Lasar gumai gesegi, ami tare hozag korat zaiar.”

12 Ikan hunia sahabi o÷ole ÷oila, “Huzur, he zudi gumo ta÷e, te to bala oizibo.”

13 Isae Lasaror moutor ÷ota ÷oisla, oile tara mono ÷orla, tain emne gumor ÷ota ÷oisoin.

14 Teu Isae forishkar ÷ori ÷oila, “Lasar mara gese.

15 Oile ami tumrar ÷ota mono ÷oria kushi oisi, ami hino aslam na, zate tumra ekin ÷ortae faro. O÷on ao, amra Lasaror gese zai.”

16 Teu tan sahabi Tumase logor sahabi o÷olre ÷oila, “Ao na, amra-o zai, zate tan loge mortam fari.” Ou Tumasre Zomoz ÷oia ÷a÷a oe.

17 Hono gia harle Hozrot Isae hunla, tain zaoar sair din ageu Lasarre dafon ÷ora oigese.

18 Zeruzalem ÷aun taki ou Baet-Ania gau onuman dui mail duroi asil.

19 Lasaror moutor bade tan boin Bibi Marta ar Moriomre buz deoar lagi Ihudi shomazor bout manush aila.

20 Ermaze Hozrot Isae toshrif anra hunia Bibi Marta tan loge ÷e÷a ÷orat gela, oile Moriom goro boi roila.

21 Bibi Martae Isare ÷oila, “Huzur, afne zudi ono roita, te amar baigu morlo na one.

22 Oile erbadeo ami zani, afne Allar gese zeta saiba, tain afnare ota diba.”

23 Isae ÷oila, “Huno, tumar bai hirbar zinda oia u÷bo.”

24 Teu Martae ÷oila, “Ji-oe, ami zani kiamotor din zebila murda o÷ol zinda oiba, ou shomoe he-o zinda oia u÷bo.”

²⁵ Isae Martare ҡoila, “Amiu to kiamot ar zindegı. Ze zone amar ufre iman ane he morleo zında oibo.

²⁶ Ar ze zone ashol zında oia amar ufre iman ane, he kunudino morto nae. Tumi ikan ekin ҡoro ni?”

²⁷ Martae ҡoila, “Ji-oe huzur, ami iman anchi, Allar oada ҡora ze zone duniat toshrif anar ҡota, afneu hou al-Mosi Ibnulla, Allar ҡas maear zon.”

²⁸ Oќan ҡoia Martae ցia tan boin Moriomre sufte Գakia nia ҡoila, “Huno, huzur ono asoin, tain tumare Գakira.”

²⁹ Teu Moriom zoldi ҡori Isar ҡandat gela.

³⁰ Isa ou shomoeo gaur bitre hamaisoin na, Martae tan loge zeno deќa ҡorsla, tain honou ubai roisla.

³¹ Ar goror bitre zeta Ihudi oќole Moriomre buz deoat asla, Moriome aќtau bare zaoat dekia tara tan ҡore ҡore gela. Tara mono ҡorlo, Moriom ҡoeboror gese ҡanda-ќati ҡorat zaira.

³² Isa ze zagat asla, Moriomo hono gela ar Isare dekia tan fao-o foќia ҡoila, “Huzur, afne zudi ono taќta, te amar baigu morlo na one.”

³³ Moriom ar tan logor Ihudi oќolor ҡandon-ahazari dekia Hozrot Isar dilor ruh gorom oigelo, tain ҡator oigela.

³⁴ Tain erare zikaila, “Lasarre kuai dafon ҡorso?” Tara ҡoila, “Huzur aukka, deki zaukka.”

³⁵ Ou shomoe Isae ҡandi dila.

³⁶ Tan ҡandon dekia honor era ҡoila, “Deќrae ni, tain Lasarre ҡoto maea ҡorta!”

³⁷ Oile kunu kunu zone ҡoila, “Zein andar souk bala ҡorsoin, tain ila kunta ҡorta farla one na ni, zate Lasargu na more?”

³⁸ Ita hunia Hozrot Isar dilor ruh hirbar gorom oigelo, tain Lasaror $\text{\textcircled{q}}$ oeboror daro gela. I $\text{\textcircled{q}}$ oebor asil guhar la $\text{\textcircled{q}}$ an e $\text{\textcircled{q}}$ gato ar $\text{\textcircled{q}}$ oeboror muko e $\text{\textcircled{q}}$ fattor deoa asil.

³⁹ Tain manshore $\text{\textcircled{q}}$ oila, "Fattorta horao." Lasaror boin Martae $\text{\textcircled{q}}$ oila, "Huzur, o $\text{\textcircled{q}}$ on to lash fosia gond baroigese, tain sair din age mara gesoin."

⁴⁰ Isae enre $\text{\textcircled{q}}$ oila, "Ami to tumare $\text{\textcircled{q}}$ oisi, tumi zudi ekin $\text{\textcircled{q}}$ oro, te Allar kudroti mohima dekbae."

⁴¹ Teu manshe $\text{\textcircled{q}}$ oeboror mukor fattorta horaila.

Isae asmanor bae saia dua $\text{\textcircled{q}}$ orla, "O gaibi baba, tumi amar $\text{\textcircled{q}}$ ota huncho, erlagi ami tumar shukria adae $\text{\textcircled{q}}$ ori.

⁴² Ami zani, tumi hamesha amar $\text{\textcircled{q}}$ ota huno. Oile amar sairobae zeta manush asoin, tara zate ekin $\text{\textcircled{q}}$ oroin, tumi amare fa $\text{\textcircled{q}}$ aiso, erdaeu o $\text{\textcircled{q}}$ an $\text{\textcircled{q}}$ oilam."

⁴³ O $\text{\textcircled{q}}$ an $\text{\textcircled{q}}$ oia tain zure $\text{\textcircled{q}}$ a $\text{\textcircled{q}}$ dia $\text{\textcircled{q}}$ oila, "Lasar, baroia ao."

⁴⁴ Teu murda Lasar $\text{\textcircled{q}}$ oebor taki baroia aila. Tan at-fao $\text{\textcircled{q}}$ afondi fesail asil, ar muk asil rumal dia banda. Isae manshore $\text{\textcircled{q}}$ oila, "Tar band kulo ar tare zaite deo."

Hozrot Isare zane marar shorozontro

⁴⁵ Bibi Moriomor gese zeta Ihudi manush aisla, Hozrot Isar ou keramoti $\text{\textcircled{q}}$ am dekia erar mazor bout tan ufre iman anla.

⁴⁶ Oile $\text{\textcircled{q}}$ eu $\text{\textcircled{q}}$ eu Forishi o $\text{\textcircled{q}}$ olor gese gia Isar ou $\text{\textcircled{q}}$ amor $\text{\textcircled{q}}$ ota zanailo.

⁴⁷ Ita hunia bo $\text{\textcircled{q}}$ o imam o $\text{\textcircled{q}}$ ole ar Forishi dolor manshe deshor fotua komi $\text{\textcircled{q}}$ ire loa e $\text{\textcircled{q}}$ ano boila,

boia koila, “Amra oƙon kita ƙortam? I beƙae to bout keramoti ƙam deƙar.

⁴⁸ Amra zudi tare emne solte dei, te hoƙol manshe tar ufre iman anbo, ar ita hunia Ruman shorƙaror manshe amrar ƙikana ar amrar zatireo binash ƙorba.”

⁴⁹ Ou mozlisor maze ou bosoror fordan imam, Kaeafa namor eƙzon asla. Tain erare koila, “Tumra to kuntau zano na.

⁵⁰ Buzo na ni, asta zati binash oar saite, hoƙolor bodla eƙzonor moron aro bala.”

⁵¹ Imam Kaeafae ashole nizor mon taki ou ƙota koisoin na, tain ou bosoror fordan imam oae gaibi buli tan muk taki baroise ze, Ihudi zatire basanir lagi Isar moron oibo.

⁵² Ƙali Ihudi zatir lagi nae, Allar zoto bondain sairobae sitria asoin, tarare dola ƙoria eƙano ƙorar lagi tain zan bilai diba.

⁵³ Hou din taki tara Isare marar faetara ƙorat lagla.

⁵⁴ Erlagi Isae tarar maze kula-mela sola-fira bad dilaila, ar ou zaga saƙia morubumir ƙandat Afraim namor eƙ gaut gia tan sahabi oƙolre loia roila.

⁵⁵ Ou shomoe Ihudi oƙolor Azadi Id gonai aisil. Idor age nizore pak-saf ƙorar lagi bout manush gau taki Zeruzalem ƙauno gela.

⁵⁶ Hino gia tara Hozrot Isare tukaila. Tara Baetul-Mukaddoso ubaia eƙe-oinne zikaila, “Kita mono ƙoroin, tain i ido aita nae ni?”

⁵⁷ Boƙo imam ar Forishi oƙole hukum disla, ƙeu zudi Isar kuz fae, te tarare zananir lagi, zate tara Isare dorta faroin.

12

Matar suldi fao fusa

¹ Azadi Idor soedin age, Hozrot Isa hou Lasaror gau Baet-Aniat aila, ze Lasarre tain mora taki zinda qorsla.

² Ino tara Hozrot Isar lagi qanir mezbani zuit qorla. Isar loge qaoat zera boisil, erar loge Lasaro asla ar Bibi Martae qadimdari qorla.

³ Ou shomoe Lasaror boin Moriome ada sher kub dami qati ator loia aila, aia ou ator Isar fao-o qalia nizor matar suldi fao fusia dila. Atoror kushboye asta gor borigelo.

⁴ Ihuda Iskariat name Isar eq sahabi, zein tanre dushmonor ato dorai diba, ein qoila,

⁵ "Ish, i ator futin besile to tin-sho dinar faia gorib oqolre bilai deoa gelo one."

⁶ Ashole Ihudae gorib oqolor qota sinta qoria ikan qoise na. He asil sur. Teqar toli tar gese taqto, ar zoma teqa taki he suri qorto, erlagi ola qoise.

⁷ Isae qoila, "Tumra i betigur mono duk dio na. Amar dafon-qafonor lagi tain i futain toisla.

⁸ Gorib oqol to hameshau tumrar maze asoin, oile amare hamesha faitae nae."

⁹ Hozrot Isa Baet-Aniat aisoin hunia, Ihudi zatir bout manush ono aila. Tara qali Isar lagi nae, hou ze Lasarre Isae mora taki zinda qorsla, tareo deqat aila.

¹⁰ Ou shomoe boqo imam oqole niot qorla Lasarreo marilita.

¹¹ Qaron Lasaror lagi bout Ihudi manshe neta oqolor log saqia, Isar ufre iman anchila.

Hozrot Isa Zeruzalemo aila

¹² Idor niote dole dole zoto manush aisoin, tara bador din hunla, Hozrot Isae Zeruzalemo toshrif anra.

¹³ Ou tara kezuror kesma ðal loia tanre aguaia anat gela ar misil dia ðoila,

“Marhaba! Mabudor name zein toshrif anra,
tan tarif ouk,
tainu Israilor bashsha!”

¹⁴ Allar kalamor aeat mafik Hozrot Isae eðta gada dekia tar ufre soar oila. Kitabo leða ase,

¹⁵ “O Sion-ðoina Zeruzalem, ðoraio na. Saia deðo, gadar baichcha soðia tumar bashsha aira.”

¹⁶ Sahabi oðole foela itar kunu mani buzla na. Bade Hozrot Isar kudroti mohima zair oia harle, pak kitabor ðota tarar mono oilo, ou aeato tan befareu leða asil, ar manshe tan lagiu otota ðorse.

¹⁷ ðoebor taki Lasarre ðakia zinda ðori tular shomoe zeta manush Isar loge asla, tarao ou befare hamesha mat-ðota matita.

¹⁸ Erlagi manshe tan ou keramoti ðamor ðobor hunia tanre aguaia anat gesla.

¹⁹ Ita dekia Forishi oðole eðe-oinne ðoilo, “Amrar to kunu lab or na. Deðrae ni, asta duniau tar ðore gesegi.”

Nizor moutor agam ðobor

²⁰ Azadi Ido zera ebadot ðorat aisla, tarar maze ðoezon Iunani manusho asla.

²¹ Tara Galil zilar Baet-Soeda gaur Filifre aia minot ðorla, “Sab, amra huzur Isare deðtam sai.”

22 Filife ikan Andriasre  oila. Bade Andrias ar Filife gia Isare zanaila.

23 Isae tarare  oila, “Ami Bin-Adomor mohima zair oar shomoe aichche.

24 Ami tumrare hasau  oiram, danor bis ma it foria zudi na more, te e tau ta e, ar ma it morle bout foshol fole.

25 Ola ze zone nizor zanre beshi maea  ore, he tar ashol zindegi kuailae, oile ze zone i duniat nizor zanre tuchcho mono  ore, he tar ashol zindegi, mani a erator lagi zan basae.

26  eu zudi amar  ezmot  orto sae, te amar fote solouk. Teu ami zekano roimu amar kezmot ario ono roibo. Ze zone amar  ezmot  ore, amar gaibi bafe tare ijgot diba.

27 “Amar mon o on fereshan oigese. Te ami o an  oitam ni, baba, ze shomoe aia azise, ou shomoeor at taki amare basao? Oile otar lagiu to ami ou shomoe forzonto aisi.

28 Baba, tumi tumar mohima zair  oro.” Ou shomoe asman taki gaibi aoaz ailo, “Ami amar mohima zair  orsi ar hirbar zair  ormu.”

29 I aoaz hunia hino zoto manush asla, tara  oila, “Ita to megor  a .”  eu  eu  oilo, “Kunu firistae tan loge batchit  orsoin.”

30 Ikan hunia Isae  oila, “I aoaz to amar lagi aise na, afnarar lagiu aise.

31 I zogotor manshor bisaror shomoe aichche, duniar munib Iblisor at taki o on  emota  aria neoa oibo.

32 Amare zebla zomin taki ufre tula oibo, ou shomoe ami ho olre amar gese  ania tulmu.”

33 Tan kilakan mout oibo, o an buzanir lagi tain ita  oila.

34 Ou shomoe manshe Isare ƙoila, “Amra pak kitab taki hunchi al-Mosi siroƙal roiba. Te afne kila ƙoira, Bin-Adomre usat tula oibo? Taile i Bin-Adom ƙe?”

35 Tain zuaf dila, “Ar kisu shomoe nur afnarrar loge ase, nur taƙte taƙteu aƙa doroukka, zela andaire aia afnaintore na bere. Ze zon andair fote aƙe, he zane na he kuai zar.

36 Nur afnarrar loge taƙte taƙteu nuror ufre iman anoukka, zate afnarao ou nuror manush oita faroin.” Erbade Isa in tone horia gia, erar souk taki nizore lukailila.

Manshor dil fashan

37 Hozrot Isae manshor samne oto beshi ker-amoti nishana deƙanir badeo tara tan ufre iman anlo na.

38 Ita hokkolta goƙisil zate agor zomanar nobi Ishaear ƙota fura oe, tain bataisla,

Mabud go, amrar tobligor ufre ƙe ekin ƙorse?
Tumar kudroti at ƙar geseu ba zair oise?

39 Erlagiu to ita manshe iman anche na, ƙaron Ishaea nobie eoƙan ƙoisla,

40 Allae tarar souk anda banailisoin,
tarar dil fashan banailisoin,
zate soukdi na deƙe, ar dildi na buze.
Arnae kizanu tara toubu ƙorilain,
Allar bae firizain,
ar ami tarare shifa ƙorilai.

41 Ishaea nobie Isar mohima deƙsla gotike, tan befare ou ƙota ƙoisla.

⁴² Tebou Ihudi neta oqolor maz taki boutte tan ufre iman anla, oile Forishi oqole tarare shomaz taki bar qori dilaibo, oqan qoraia tara shikar korla na.

⁴³ Tara Allar tarif taki manshor tarif faite beshi fosond qorta.

Hozrot Isau toraneala

⁴⁴ Bade Isae zure zure qoila, "Ze zone amar ufre iman ane, he qali amar ufre nae, zein amare faqaisoin tan ufreo iman ane.

⁴⁵ Ze zone amare deqe, he ashole tanreu deqe, zein amare faqaisoin.

⁴⁶ Ami i duniat nur hishabe aisi, zate amar ufre ze iman ane, he ar andarit na roe.

⁴⁷ Keu zudi amar qota hunia, ou mafik amol na qore, te ami nize tar bisar qori na, qaron ami manshore dushi shaibosto qorat aisi na, borong manshore toranit aisi.

⁴⁸ Ze zone amare mane na ar amar qota hune na, tar bisaror lagi to ekzon asoin. Ami tare ze qota qoisi, ou qotaeu kiamotor din tare dushi shaibosto qorbo.

⁴⁹ Ami to nize taki kunta qoisi na, qali amar ze gaibi bafe amare bezisoin, tain nizeu hukum disoin, ami kita kita qoitam.

⁵⁰ Ami zani, tan hukum manau oilo aqeri zindeg. Erlagi ami zeta qoi, ita amar gaibi bafor hukumeu qoi."

Ummot oqolre Hozrot Isar aqeri talim (13:1-17:26)

13

Sahabi oqolor fao doaila

¹ Azadi Idor tuṛa agor goṭona. Isae buzilila, tain i dunia saṛia tan gaibi bafor gese zaibar shomoe aichche. Duniat zera tan afon manush asla, tarare tain kub maea ḳorta ar hesh forzonto ola maea ḳoriau gesoin.

² Raitkur ḳanit boibar agor ḳota, Hozrot Isare dushmonor ato doraia dibar lagi, Iblise aia Saimon Iskariator fua Ihudar mono ḳaish zagai dilo.

³ Isae zanta, tan gaibi baf Allae tan ato hoḳolta shofi disoin, tain Allar ges taki aisoin ar tan geseu firia zaira.

⁴ Erlagi tain ḳaoa taki uṭla ar finnor fainjabi kulia eḳan gamsa ḳomoro bandila.

⁵ Bade tain gamlar maze fani loa sahabi oḳolor fao doai dila, ar ḳomovor gamsadi fao fusia deoat lagla.

⁶ Ou laḳan tain zebla Saimon-Fitoror gese aila, Fitore ḳoila, “Huzur, ita kita ḳoroin, afne amar fao doaia dita ni?”

⁷ Tain ḳoila, “Ami zeta ḳoriar, oḳon tumi itar mani buztae nae, bade buzbae.”

⁸ Ou Fitore tanre ḳoila, “Ji na, afne kunumon-teu amar fao doai diba na.” Isae ḳoila, “Ami zudi tumar fao doia na dei, te tumar loḳe amar kunu ḳatir nai.”

⁹ Teu Saimon-Fitore ḳoila, “Huzur, te ḳali fao nae, amar mata ar ato doaia deukka”.

¹⁰ Tain ḳoila, “Ze manshe gusol ḳorse, tar fao saṛa ar kunta doar zorur nae, tar to hoḳolta forishkar ase. Tumrao nichchoe forishkar aso, oile hoḳol nae.”

¹¹ Ashole dushmonor ato ḳe tanre dorai dibo, ikan tain zanta. Erdae tain ḳoila, “Tumra hoḳol

forishkar nae.”

¹² Sahabi oqolor fao doaia harle Isae tan fainjabi findia hirbar boila ar tarare qoila, “Ami kita qorlam, tumra ita buzcho ni?”

¹³ Tumra amare ustad ar malik koia daqo, ikan tiku, amiu tumrar ustad ar malik.

¹⁴ Ar ami tumrar ustad ar malik oiao zebila tumrar fao doaia dilam, te tumrao ola eke-oinnor fao doai deoa zorur.

¹⁵ Ami ila qoria deqailam, zate ami zela qorlam tumrao ola qoro.

¹⁶ Ami tumrare hasau qoiram, gulam tar munib taki boqo nae. Ar zare faqani oise, he tar faqaora taki boqo nae.

¹⁷ Ita zania zudi amol qoro, te tumra doinno.

¹⁸ “Ami tumra hoqolor befare qoiram na. Ami zerare fosond qorsi tarare to sini. Huno, Allar kalamor aeat to folite oibo, leqa ase, ‘Amar loge boia zegue qaoa-daoa qore, hogue amar ufre fao tulche.’”

¹⁹ Ita goqar ageu ami tumrare zanai dilam, teu goqar bade tumra buzbae, amiu hein.

²⁰ Ami tumrare hasau qoiram, ami zare faqai, tare ze zone qobul qore, he ashole amareu qobul qore. Ar ze zone amare qobul qore, he tanreu qobul qore, zein amare faqaisoin.”

Beiman Ihuda

²¹ Oqan qoia harle Hozrot Isar dil fereshan oigelo. Tain kulia qoila, “Ami hok kota qoiram, tumrar mazor ekzoneu amare dushmonor ato dorai dibo.”

²² Tain qar qota qoira, sahabi oqole ikan na buzae eke-oinnor bae sai roila.

²³ Erar mazor ze sahabire Isae maea qorta, ein Isar kulo elain dia boat asla.

²⁴ Saimon-Fitore enre ishara dia qoila, tumi zikao, tain qar qota qoira.

²⁵ Teu ou sahabie Isar bae zukia qoila, "Huzur, qe ou zon?"

²⁶ Isae zuaf dila, "Ou ruqir qakra boulo bizaia zare dimu, he-u ou zon." Ar ou ruqi tain Saimon Iskariator fua Ihudare dila.

²⁷ Ruqir qakra loar loge logeu Iblis Ihudar bitre hamailo. Isae tare qoila, "Zeta qortae sao, zoldi qorilao."

²⁸ Isar loge zara qaoat boislao, tara qeu buzla na, tain Ihudare qene ikan qoisoin.

²⁹ Qeu qeu mono qorlo, idor bazar qorar lagi Isae Ihudare oqan qoisoin ba gorib oqolre kunta deoar qota qoisoin, qaron qeqar toli to Ihudar geseu taqto.

³⁰ Ruqir qakra loar loge loge Ihuda baroia gelogi. I shomoe rait asil.

Noea hukum

³¹ Ihuda bare gia harle Isae qoila, "Bin-Adomor mohima zair qorar shomoe aichche, tan mazdi Allar mohima zair oibo.

³² Ar Allar mohima zeblo tan mazdi zair oibo, ou shomoe Allaeo nizor maze Bin-Adomor mohima zair qorba, ita tain kub zoldiu qorba.

³³ O aolad oqol, ami ar beshi din tumrar gese roitam nae. Te Ihudi neta oqolre age zela qoislam, tumra amare tallash qorbae, oile ami zeqano zaimu tumra hino zaitae fartae nae, oqon ou qota tumrareo qoiram.

³⁴ Ami tumrare ekan noea hukum diram, tumra eke-oinnore maea korio. Ami zela tumrare maea korsu, tumrao ola eke-oinnore maea korio.

³⁵ Tumra zudi eke-oinnore maea koro, te hokole buzbo tumra amar ummot.”

Sahabi Fitoror oshikaror kota

³⁶ Saimon-Fitore Isare koila, “Huzur, afne kuai zaira?” Tain koila, “Ami zeno zairam, tumra okon amar loge hino aitaie fartae nae, oile bade aibae.”

³⁷ Fitore koila, “Okon kene zaitam fartam nae? Afnar lagi ami amar zano bilai dimu.”

³⁸ Ou shomoe Isae koila, “Amar lagi hasau tumar zan dibae ni? Te hasa kota ami tumare koiram, murgae bang dibar ageu, tumi tinbar koibae, tumi amare sino na.”

14

Hozrot Isa al-Mosiu fot

¹ Hozrot Isae koila, “Tumra ar fereshan oio na. Allar ufre to tumrar ekin ase, te amar ufreo ekin rako.

² Amar bafor barit roar bout zaga ase, na taqle ami koilam one. Ami to tumrar lagi zaga tik korat zairam.

³ Zaga tik koria hirbar aimu, aia tumrare amar gese nimu. Teu ami zeno roimu, tumrao hono roibae.

⁴ Ar ami kuai zairam, i fot to tumrar sina ase.”

⁵ Ou shomoe sahabi Tumase Isare koila, “Huzur, afne kuai zaira, okanu amra zani na, te fot kila sinmu?”

⁶ Isae koila, “Amiu fot, amiu hok ar amiu zindegı. Amar usilla saŗa kunu manushu gaibi bafor gese zaito fare na.

⁷ Tumra amare sinle amar gaibi bafreo sinlae one. Te oŗon tumra tane sincho ar deŗso-o.”

⁸ Filife koila, “Huzur, ou gaibi baf amrare deŗaukka, teu amra shanti oimu.”

⁹ Isae koila, “Filif, otodin taki ami tumrar loge loge asi, erbadeo tumi amare sinlae na ni? Ze zone amare deŗse, he amar gaibi bafreo deŗse. Te tumi kilan koilae, gaibi bafore deŗaukka?

¹⁰ Tumi ekin ŗoro na ni, ami gaibi bafor maze asi, ar gaibi bafı amar maze asoin? Ami tumrare zeta ŗoi, ita amar nizor mukor buli nae, ze gaibi baf amar bitre asoin, tainu tan nizor ŗam salaira.

¹¹ Amar ŗota ekin ŗoro, ami amar bafor maze asi, ar tain amar maze asoin. Arnae ontoto amar ota keramoti ŗam dekia amare ekin ŗoro.

¹² “Ami tumrare hasau ŗoiram, ŗeu zudi amar ufre iman ane, te ami zeta ŗam ŗori, he-o ota ŗorbo. Ar ami amar bafor gese zaiargi ŗori he aro boŗo boŗo ŗam ŗorbo.

¹³ Tumra amar name zeta saibae, ami ita fura ŗormu zate bafor mohima futor mazdi zair oe.

¹⁴ Amar nam loia amar gese kunta saile, ami dimu.

Pak ruhur befare oada

¹⁵ “Tumra zudi amare maea ŗoro, te amar hoŗol hukum-ahkam amol ŗorio.

¹⁶ Ami gaibi bafor gese saimu, ar tain tumrar lagi aroŗ shaijogir faŗaiba, ein siroŗal roiba.

¹⁷ Ou shaijogir oila hok ruh. I duniar manshe ou hok ruhre ŗobul ŗore na, ŗaron tara ere

dekeo na, sineo na. Oile tumra ene sino, ein to tumrar loge loge roin ar samnedi tumrar dilor maze boshot qorba.

¹⁸ “Ami tumrare etim halote falaia zaitam nae, ami hirbar tumrar gese aimu.

¹⁹ Tura bade duniar manshe amare ar dekteo nae, oile tumra deqbae. Ami zinda asi gotike tumrao zinda roibae.

²⁰ Ami zinda oia uña harle tumra buzbae, ami amar gaibi bafor maze asi ar tumra amar maze aso, ami tumrar maze asi.

²¹ Ze zone amar hukum-ahkam sine ar amol qore, he-u amare maea qore. Ar ze zone amare maea qore, amar gaibi baf Allaeo tare maea qorba. Amio tare maea qormu, ar amar nizore tar gese zair qormu.”

²² Sahabi oqolor maze Ihuda Iskariat saqa aroq sahabir nam asil Ihuda, ein qoila, “Huzur, duniar hoqol manshor gese zair na qoria, qali amrar geseu afnare qene zair qorba?”

²³ Isae zuaf dila, “Qeu zudi amare maea qore, te he amar qota manbo. Amar gaibi bafe tare maea qorba, amra tar gese aimu, aia tar loge boshot qormu.

²⁴ Oile ze zone amare maea qore na, he kunumonteu amar qotae sole na. Ami tumrare zeta qoilam, ita amar mukor qota nae, zein amare bezisoin hou bafor qota.

²⁵ “Ami tumrar loge taqte taqteu ita qoilam.

²⁶ Ou shaijjogir Pak Ruhu, zanre amar bafe amar name faqaiba, tainu hoqol befare tumrare talim diba, ar ami tumrare zeta qoisi ota iad qorai diba.

²⁷ “Ami tumrar lagi shanti rakia zaiar, amar shantiu ami tumrare dia zaiargi. I duniae zemne shanti dey, ami ila dei na. Tumrar dilo zanu kunu fereshani ba dor-koḥ na ae.

²⁸ Ami to ageu tumrare koisi, ami zaiargi, ar hirbar tumrar gese aimu. Tumra zudi amare maea koṭtae, te ami amar bafor gese zaiar koṭi kushi oilae one, koṭon i baf to amar takio mohan.

²⁹ Ita goṭar ageu tumrare zanai dilam, zate goṭia harle tumra ekin koṭtae faro.

³⁰ Ami tumrar loge ar beshi shomoe mattam nae, koṭon duniar munib Iblis aior. Amar ufre tar kunu koṭota nai.

³¹ Oile ami amar bafor hukum mania ita hoḥolta koṭi, zate duniar manshe buzoin, ami amar bafore maea koṭi. Te ao, amra oḥon i zaga taki zaigi.”

15

Hozrot Isau ashol angur gas

¹ Hozrot Isae koila, “Amiu ashol angur gas ar amar baba girosto.

² Amar zeta ḍalainto fol dore na, tain itare kaṭia falai dein. Ar zeta ḍalainto fol dore, tain itare saṭia saf-sutra koṭi raḥoin, zate aro beshi fol dore.

³ Te ami tumrare ze kalam talim disi, erlagi to tumra ag takiu saṭa oia saf-sutra oiso.

⁴ Tumra amar maze ro, amio tumrar dilo roimu. Angur gasor loge ḍal zudi lagail na taḥe, te ḍale zela nize nize fol doraito fare na, oula tumrao amar maze na roile nize nize folala oitae faro na.

⁵ Amiu angur gas, ar tumra oilae dal-fala. Ze zon amar loge lagail taqe, amio tar loge lagail roi, teu tar zindegit bout fol dore. Ar, amare sara to tumra kuntu kortae faro na.

⁶ “Amar loge keu lagail na roile, tare kata dalor lakan falai deoa oe ar roide hukai zae. Bade hukna dalain tubaia aguinu dein, teu ita zoli-furi zae.

⁷ Tumra zudi amar loge lagail taqo ar amar kalam kanain tumrar dilo taqe, te tumrar zeta ichcha otau saio, ita tumrare deoa oibo.

⁸ Tumrar zindegit zudi bout fol dore, ar olaqan tumra nizore amar ummot hishabe forman qorilao, te amar gaibi bafor tarif oibo.

⁹ Bafe amare zela maea qorsoin, amio oula tumrare maea qorsi. Tumra amar mear maze ro.

¹⁰ Ami amar bafor hoqol hukum-ahkam mania zela tan mear maze roisi, tumrao oula amar hukum-ahkam manle amar mear maze roibae.

¹¹ “Ami tumrare ita qoilam, zate amar kushi tumrar dilo taqe ar tumrar kushi fura oe.

¹² Amar hukum oilo, ami zela tumrare maea qorsi, tumrao oula eke-oinnore maea qoro.

¹³ Keu zudi nizor dustor lagi zan bilai dey, te tar taki ar beshi maea qar ase?

¹⁴ Amar deoa hukum zudi tumra amol qoro, te tumra amar dust.

¹⁵ Ami tumrare ar gulam qoiram na, qaron munibe kita qoroin gulame to ita zane na, borong ami tumrare dust qoisi, qaron gaibi bafor ges taki ami zotota hunchi, hoqoltau tumrare zanaisi.

¹⁶ “Amare to tumra fosond qorso na, borong amiu tumrare fosond qorsi ar qamo lagaisi, zate

tumrar zindegi folala oe ar ou fol țikia roe. Teu amar name gaibi bafor gese zeta saibae, tain tumrare diba.

¹⁷ Ami tumrare ou hukum diar, tumra eķe-oinnore maea ķoro.

Dunia mumin oķolor dushmon

¹⁸ “Duniar manshe tumrare ginnain, oile mono rakio, er age tara amareu ginnaise.

¹⁹ Tumra zudi ou duniar oitae, te tara tumrare nizor hishabe bala failo one. Tumra to i duniar nae, ami tumrare duniar maz taki fosond ķorsi gotike tara tumrare ginnae.

²⁰ Amar ķotaķan mono rakio, gulam tar munib taki boŗo nae. Erlagi manshe zudi amare zulum ķore, te tumrareo ola ķorbo. Tara amar ķota manle tumrar ķotao manlo one.

²¹ Amar ķaroneu tara tumrar loge ola ķorbo, ķaron amare zein bezisoın, enre tara sine na.

²² “Ami zudi na aitam ar tarar gese nosiot na ķortam, te tara gunagar oilo na one, oile oķon to tarar kunu uzuat nai.

²³ Ze zone amare ginnae, he amar gaibi bafreo ginnae.

²⁴ Huno, zeta keramoti ķeu kunudin deķaise na, ota keramoti zudi ami na deķaitam, te tara gunagar oilo na one. Oile tara to amare ar amar gaibi bafore deķse, deķiao ginnaise.

²⁵ Ita oilo, zate tarar kitabor ou ķota fole, kitabo ase, tara bina ķarone amare ginnaise.

²⁶ “Ami amar gaibi bafor ges taki ze shaijjogir ruhre tumrar gese faķaimu, tain aia amar befare shakki diba. Tain oila hok ruh, tain gaibi bafor ges taki aiba.

²⁷ Ar tumrao amar befare shakki dibae, tumra to foela takiu amar loge loge aso.”

16

¹ Hozrot Isae aro koila, “Ami ita zanai dilam, zate tumra qorlami na zao.

² Manshe tumrare shomaz taki bar qori diba. Ola shomoe aibo, zara tumrare kun qorbo, tara mono qorbo ita Allar ebadot qorer.

³ Tara ita qorbo, qaron tara gaibi bafreo sinche na, amareo sinche na.

⁴ Ami ita ageu koia raqlam, zate shomoe aile mono oe, ami tumrare ota koislam. Ami foela taki ita koisi na, qaron ami to tumrar loge logeu aslam.

Shaijogir ruhur kam-qazor nomuna

⁵ “Huno, amare zein faqaisoin, ami okon tan gese zaiargi, ta-o tumra qeu amare zikairae na, ami koi zairam.

⁶ Borong ami tumrare ita koisi, erlagi tumrar mono kub duk aise.

⁷ Tebou ami hok kota koiram, amar zaoakan tumrar lagi bala, ami na gele to hou shaijogir ruh aita nae. Ami gelegi tanre tumrar gese faqaimu.

⁸ Tain aia gunar befare, Allar morzi mafik solar befare ar Allar bisaror befare manshore hozag korba.

⁹ Tain gunar befare hozag korba, qaron manshe amar ufre iman ane na.

¹⁰ Allar morzi mafik solar befare hozag korba, qaron ami amar gaibi bafor gese zaiargi, tumra amare ar deqtae nae.

11 Bisaror befare hozag korba, қaron duniar munib Iblisor bisar oigese.

12 “Tumrare aro boutta қoar ase, oile оқon ita қоile shoiјjo қortae fartae nae.

13 Hou hok ruh aia hari fot deқаia tumrare furafur hokkan zanaiba. Tain to niz taki kunta қоita nae, қali zeta hunoin, otau қоiba. Ar zeta goқbo, otau zanaiba.

14 Ami zeta қоi, tain aia otau tumrar gese zair қorba. Olaқan tain amar mohima zair қorba.

15 Gaibi bafor zeta ase, ita hoқoltau amar. Erlagi ami қоiram, ami zeta қоi, tain otau tumrar gese zair қorba.”

Ummot оқolre buz deoa

16 Hozrot Isae қоila, “Tuқа bade tumra ar amare deқtae nae, hirbar tuқа bade deқbae.”

17 Ikan hunia қоezon sahabie mata-mati қorla, “Tain ita kita matoin, ‘Tuқа bade tumra ar amare deқtae nae, hirbar tuқа bade deқbae’, tain hirbar қоira, ‘Ami bafor gese zairamgi.’

18 Te tain ze tuқа shomoeor қоta қоira, ikan kita? Tain kita matira, amra to buzram na.”

19 Hozrot Isae buzilila, tan sahabi оқole ou befare tanre kunta zikaita saira, buzia tain қоila, “Ami ze қоisi, ‘Tuқа bade tumra ar amare deқtae nae, hirbar tuқа bade deқbae’ ota loia tumra mata-mati қorrae ni?

20 Huno, ami tumrare hasau қоiram, tumra қandibae ar ahazari қorbae, oile i duniar manshe kushi қorba. Tumra оқon duk-kosқto қorbae, oile bade i duk roito nae, er bodla kushi қorbae.

21 Baichcha oar shomoe betintor kub qoshṭo oe, oile oia harle noea aolador furtie mon bori zae, hi qoshṭor qota ar mono taqe na.

22 Ou laḡan tumrao oḡon duk-koshṭo qorrae, oile hirbar zebła tumrar loge amar deḡa oibo, hou shomoe kushie tumrar dil borizibo, i kushi qeu qaria nito farto nae.

23 “Hi shomoe tumra amar gese kunta saitaenae. Ami tumrare hasa qoiram, tumra amar name amar gaibi bafor gese zeta saibae, tain tumrare diba.

24 Oḡono to tumra amar name kunta saiso na. Sao, teu faibae, zate tumrar kushi fura oe.

25 “Ami tumrare udahoron dia ou talim dilam. Oile olaḡan shomoe aibo, zebła ami kunu udahoron saḡa, amar gaibi bafor befare kula-mela buzaimu.

26 Hou dinu tumra amar name saibae. Ami to ikan qoiram na, ami tumrar oia gaibi bafor gese minot qormu.

27 Tain nizeu tumrare maea qoroin, qaron tumra amare maea qorso ar ekin qorso ze, ami Allar ges taki aisi.

28 Ashole, ami amar gaibi baf Allar ges taki ou duniat aisi ar dunia saḡia tan geseu zairam.”

29 Ou shomoe sahabi oḡole tanre qoila, “Huzur deḡoukka, oḡon to afne kula-melau matira, kunu udahoron dira na.

30 Oḡon amra buzlam, afnar ozana kunta nai, ar afnare qeu kunta zikaniro nai. Gotikeu amra ekin qorlam, afne Allar ges takiu aisoin.”

31 Isae tarare qoila, “Oḡon ekin oise ni?

32 Huno, ola shomoe aior, emonki aichche, zebła tumra dol saḡia amare toia zarzir zagat

bagibae. Oile ami to eḱla nae, amar gaibi baf amar loge loge asoin.

³³ Ami tumrare ita ḱoilam, zate tumra amar loge mishia aso gotike mono shanti fao. I duniat tumra duk-mosiboto aso, ta-o monobol rakio, amiu duniare zoe ḱorsi.”

17

Ummotor lagi munazat

¹ Oḱan ḱoia hari Hozrot Isae asmanor bae saia dua ḱorla, “Baba, shomoe oigese. Tumi tumar futor mohima zair ḱoro, zate futeo tumar mohima zair ḱorta faroin.

² Tumi tanre hoḱol manshor ufre ḱemota diso, zate tumi zerare tan ato shofiso, erare tain aḱeri zindegı deın.

³ Eḱmatro hok Allare mani tumare ar tumi zenre faḱaiso, hou Isa al-Mosire sinu oilo aḱeri zindegı.

⁴ Tumi amare ze ḱam diso, i ḱam adae ḱoria duniat tumar mohima zair ḱorsi.

⁵ Te baba, dunia foeda ḱorar age tumar dorbaro amar ze mohima asil, tumar gesor ou mohima oḱon amare hirbar deo.

⁶ “I duniar mazor zerare amar ato shofiso, ami erar gese tumare zair ḱorsi. Tara to tumaru asla, tumiu tarare amar ato shofiso. Tara tumar hukum mania solche.

⁷ Tara oḱon buzche, tumi zeta amare diso, ita to tumar ges takıu aise.

⁸ ḱaron oilo, tumi zeta toblig korar hukum diso, ami ota zanaisi. Ar tarao itare ḱobul ḱoria

asholқан buzilise zen, ami tumar ges takiu aisi. Tara ekino қорсе, tumiu amare faғaiso.

⁹ Te ami to hoқolor lagi minot қорiar na, қali tumi zarare amar ato diso, erar lagiu minot қorram, tara to tumaru.

¹⁰ Amar zotota ase hokkoltau tumar, ar tumar hokkoltau amar. Erar mazdiu amar mohima zair or.

¹¹ “O fobitro baba, i duniat ami ar beshi shomoe nae, oile tara i duniat asoin, ami to tumar gese airam. Tumi amare tumar ze nam diso, ou namor bole erare basao, zate amra zela eқ, tarao ola eқ oita faroin.

¹² Ami zotodin tarar loge aslam, otodin tumar deoa ou namor gune tarare basaisi. Tarare fara dia raқsi, tara қeu binash oise na. Қali zar binash oar қota, he-u binash oise, zate Allar kalamor қota fole.

¹³ “Te oқon ami tumar gese airam, duniat roiteu ita tarare zanai dilam, zate amar kushie tarar dil bori zae.

¹⁴ Tumi amare zeta zanaiso, amio tarare ota zanaisi. Ami zela i duniar nae, tarao ola i duniar nae, erlagi duniar manshe tarare ginnaise.

¹⁵ Ami tumar gese abdar қorram na, tumi tarare dunia taki nitaegi, borong ou abdar қorram, tumi tarare Iblisor at taki hefazot қoro.

¹⁶ Ami zela ou duniar nae, oula tarao i duniar nae.

¹⁷ Tumi tarare tumar hok dia қas hishabe raқo. Tumar kalamu oilo ou hok.

¹⁸ Tumi zela amare duniat faғaiso, oula amio tarare duniar maze faғaisi.

¹⁹ Ami tarar lagi nizore қas қori raқsi, zate tarareo hok dia қas hishabe raқa oe.

²⁰ “Te ami ƙali erar lagi minot ƙoriar na, tarar lagio minot ƙorram, zera erar ƙota hunia amar ufre iman anbo.

²¹ Ami minot ƙoriar tara hoƙol zanu eƙ oe. Baba, tumi zela amar loge aso ar amio zela tumar loge asi, oula tarao zanu amrar loge milia roin. Teu duniar manshe ekin ƙorba, tumiu amare faƙaiso.

²² Tumi amare ze mohima dan ƙorso, ami ita tarare dan ƙorsi, zate amra zela eƙ, oula tarao eƙ oita faroin.

²³ Tumi zela amar maze aso, ola amio tarar maze asi. Ou laƙan tara zanu furafur eƙ oita faroin. Teu duniar manshe buzbo, tumiu amare faƙaiso, ar tumi amare zela maea ƙoro, oula tarareo ƙoro.

²⁴ Baba, ami sairam, tumi zerare amar ato shofiso, ami zeƙano asi, tarao zanu amar loge hono roin ar amar mohima deƙoin. I mohima to tumiu amare dan ƙorso, ƙaron dunia foeda ƙorar ag takiu tumi amare maea ƙorso.

²⁵ “O hok insafƙari baba, duniar manshe tumare sine na, oile ami to sini. Ar tumiu zen amare faƙaiso, ikan era buzilise.

²⁶ Erar gese ami tumar nam zair ƙorsi, agedi aro ƙormu, zate tumi amare zela maea ƙoro, ola maea tarar bitreo taƙe ar ami tarar loge loge mishia taki.”

Hozrot Isar ufre zulum-mosibot ar tan ufat (18:1-19:42)

18

Dushmonor ato Hozrot Isa

¹ Ou munazator bade Hozrot Isae tan sahabi oĳolre loia Kidrun namor eĳ faria Ƴal faroia gela. Gia tarare loia eĳ baganor bitre hamaila.

² Beiman Ihudae i zaga sinto, Ƴaron Isae age bout bar sahabi oĳolre loia ono boisoim.

³ Ermaze boĳo imam ar Forishi oĳole ou Ihudar loge eĳ dol sifai ar Baetul-Mukaddosor Ƴoezon fulish faĳaila. Ihudae tarare loia ono ailo, ou shomoe tarar ato lem, mushal, ar ostroshostro asil.

⁴ Isae ag takiu hoĳolta zanta, tan ufre kita goĳbo. Erlagi tain aguaila aia tarare zikaila, "Afnara Ƴare tukaira?"

⁵ Tara Ƴoila, "Nasarot gaur Isare." Tain Ƴoila, "Amiu hein." Ou shomoe beiman Ihudao tarar loge asil.

⁶ Isae zebila Ƴoila, "Amiu hein," ikan huniau tara Ƴoredi gia maĳit foĳigela.

⁷ Tain hirbar tarare zikaila, "Afnara Ƴare saira?" Tara Ƴoila, "Nasarot gaur Isare."

⁸ Tain Ƴoila, "Ami to Ƴoilam, amiu hein. Afnara zudi amareu tukanit ain, te amar logor erare sari deukka."

⁹ Ashole ila goĳlo, zate Isae age zeta Ƴoisla ota fura oe. Tain Ƴoisla, "Baba, tumi zerare amar ato shofiso, era eĳzonreo ami kuaisi na."

¹⁰ Ou shomoe Saimon-Fitoror loge eĳan tolvar asil, oĳan bar Ƴoria, tain fordan imamor gulamor Ƴain Ƴan Ƴatilila. I gulamor nam asil Malkus.

¹¹ Erlagi Isae Fitorre Ƴoila, "Tumar tolvar Ƴafo harao. Gaibi bafe amare ze mosibotor fiala disoin, iĳtar shad ami loitam na ni?"

¹² Ou shomoe sifai oḳole, fordan sifaie ar Baetul-Mukaddosor fulish oḳole Isare doria bandililo.

¹³ Bandia foela tara Hanonor gese loa gelo. I Hanon asla hou bosoror fordan imam Kaeafar hour.

¹⁴ Ou Kaeafae age Ihudi neta oḳolre ḳoisla, “Asta zati binash oar saite, hoḳolor bodla eḳzonor moron aro bala.”

Sahabi Fitoror foelabar oshikar

¹⁵ Ou shomoe Fitor ar aroḳzon sahabi Isar ḳore ḳore gela. Ou sahabire fordan imame sinta. Ein Isar loge oia fordan imamor baḳir uḳano hamaila.

¹⁶ Oile Fitor baire geiḳor gese ubai roila. Teu fordan imamor forisito Isar ou sahabi bare gia faradar beḳire ḳoia Fitorre bitre anaila.

¹⁷ Ou beḳie Fitorre ḳoilo, “Tumio en murid ni?” Fitore ḳoila, “Na, na, ami nae.”

¹⁸ Ou shomoe kub shit forḳsil, erdae sifai ar gulam oḳole uḳano angradi aguin doraia aguin tabanit lagla. Fitoreo tarar daro ubaia aguin tabaila.

Fordan imamor zera

¹⁹ Ou shomoe fordan imame Isare tan ummot ar tan talimor befare zikaila.

²⁰ Isae zuaf dila, “Ami manshor samne kula-mela matisi. Ihudi oḳol zeḳano zoma oin, ota mosido ar Baetul-Mukaddoso hamesha talim disi. Ami to lukaia kunta ḳoisi na.

²¹ Te amare ar ḳene zikaira? Amar talim zera hunche, tarareu zikaukka. Ami ze talim disi, ita tarar zana ase.”

²² Isar i zuaf hunia, kãndat ze sifai oꝓol uba asla, era eꝓzone tanre soꝓ maria ƙoilo, “Tui fordan imamre ola zuaf dire ni?”

²³ Tain ƙoila, “Ami zudi bad kunta ƙoia taki te ƙoukka, ar bala mat matile amare marra ƙene?”

²⁴ Ou shomoe Hanone banda halote Isare fordan imam Kaeafar gese faꝓai dila.

Hozrot Fitoror hirbar oshikar

²⁵ Sahabi Saimon-Fitore zebła aguin tabaira, ou shomoe manshe tanre ƙoilo, “Tumio tar logor eꝓzon sahabi ni?” Fitore dusrabar oshikar ƙori ƙoila, “Na, na, ami nae.”

²⁶ Fitore zar ƙan ƙaꝓisla, tar ek kuꝓum asil fordan imamor gulam. He ƙoilo, “Ami baganor bitre ogur loge tumareo deklam na ni?”

²⁷ Fitore hirbar oshikar ƙorla, ar loge logeu murgae bang dilailo.

Hakim Filator samne Hozrot Isa

²⁸ Ihudi neta oꝓole biane Isare Kaeafar ges taki, Ruman bashshar fordan hakim Filator ƙongit loa gela. Oile tara baꝓir bitre hamaila na, zate be-din hakimor baꝓit hamaia nafaꝓ na oin, borong pak-saf roia Azadi Idor ƙani ƙaita faroin.

²⁹ Erlagi Ruman hakim Filat bare aia zikaila, “I beꝓar birudde tumrar nalish kita?”

³⁰ Tara ƙoila, “He oforad na ƙorle to afnar gese anlam na one.”

³¹ Filate tarare ƙoila, “Tumra tare loa zaogi, gia tumrar shoriot mafik bisar ƙorilao.” Ikan hunia tara Filatre ƙoila, “Kunu manshore zane marar moto shaza deoar ƙemota amrar ato nai, ƙali Ruman oꝓolor ato ase.”

³² Nizor mout kilan oibo, Isae ikan ageu ҡoisoin. Te ita oilo, zate tan ou ҡota fole.

³³ Teu Filat hirbar җongir bitre hamaila ar Isare җaқ dia ҡoila, “Oba, tumi kita Ihudi oқolor bashsha ni?”

³⁴ Tain zuaf dila, “Afnе nize ou ҡota ҡoira, na manshe amar befare afnare ҡoise?”

³⁵ Filate zuaf dila, “Ami kita Ihudi ni? Tumar nizor zatir manshe ar boҗo imam oқole tumare amar ato dise. Ғo, tumi kita ҡorso?”

³⁶ Isae ҡoila, “Amar bashshai i duniar nae. Amar bashshai zudi ou duniar oito, te Ihudi neta oқolor ato ami na foҗar lagi amar manshe laҗai ҡorlo one, oile amar bashshai to inor nae.”

³⁷ Ikan hunia Filate Isare zikaila, “Taile tumi kita bashsha ni?” Isae ҡoila, “Afnеu to ҡoira, ami bashsha. Hunoukka, hokor fokke shakki deoar lagi ami duniat aisi. Zara hokor loge ase, tara amar ҡota hune.”

³⁸ Filate tanre ҡoila, “Te hokkan kita?” Oқan ҡoia tain hirbar bare gia Ihudi neta oқolre ҡoila, “Ami to er kunu dush faisі na.

³⁹ Oile tumrar to eқta reoaz ase, Azadi Idor shomoe ami eқzon ҡoedire ҡalas dei. Te tumra sao ni, ami Ihudir ou bashshare saҗi ditam?”

⁴⁰ Ikan hunia tara sillaia ҡoilo, “Na, na, ere na, Barabbare saҗi deukka.” Ou Barabba asil eқ җaқait.

19

¹ Bade Ruman hakim Filate Isare sabuk marar hukum dila.

² Ar sifai oқole gosa-қаta dia eқ muқuҗ banaia tan matat dilo, ar baingoni rongor bashshai lebas findailo.

³ Bade tara tan samne aia koilo, “O Ihudir bashsha, marhaba!” Oğan koia koia tara tan galo sořailo.

⁴ Teu Filat hirbar bare aia koila, “Huno, ami ere tumrar gese bar řoria aniar, teu tumra buzbae, ami er kunu dushu fairam na.”

⁵ Hou gosa-řatar mukuř ar baingoni lebas finda halote Isa baroia aila, ar Filate koila, “Ou deķo, hou manush.”

⁶ Isare deķia bořo imam ar Baetul-Mukaddosor fulish oķole sillaia koila, “Tare solibo deo, solibo deo.” Filate koila, “Ami to tar kunu dush faisı na, te tumrau tare nia solibo gatılao.” (I solib oilo lakřıdi banail, manshore lořķaia marar eķ zınish.)

⁷ Ihudi neta oķole Filatre koila, “Amrar shoriot mafık tar moron oa usıt, řaron he nizore Allar řas maear zon, Ibnulla koise.”

⁸ Ikan hunia Filate aro beshi řoraigela.

⁹ Tain hirbar řongi-goror bitre hamaia Isare zıķaila, “Tumi kuai taki aiso?” Oile Isae kunu zuaf dila na.

¹⁰ Erđae Filate Isare koila, “Tumi amar mator kunu zuaf ditae na ni? Tumi zano ni, tumare řalas dibar ba solıbor ufre lořķaia marar ķemota amar ase?”

¹¹ Teu Isae koila, “Ufre taki afnare ķemota na deoa oile, amar ufre afnar kunu ķemotau taķto na. Erlagi ze manshe amare afnar ato dorai dise, he-u bořo gunagar.”

¹² Ikan hunia Filate Isare řalas dilaita saila, oile Ihudi neta oķole sillaia koila, “Afne zudi ere řalas dilain, te afne Ruman bashshar dust nae. Ze manshe nizore bashsha koia dabi ķore, he to

Ruman bashshar dushmon.”

¹³ Ikan hunia Filate Isare bar qori anla ar Fattordi-Banda namor eḡ uṭano bisaror ashono boila. Ibrani bashae i uṭanre Gabbata koa oe.

¹⁴ I din asil Azadi Idor aeozonor din. Ou shomoe beil onuman duifor oigese. Filate Ihudi neta oḡolre koila, “Ou deḡo, tumrar bashsha.”

¹⁵ Isare dekia tara sillaia koilo, “Ogure horao, horao, tare solibo deo.” Filate koila, “Tumrar bashshare ami solibo dilaitam ni?” Boṛo imam oḡole koila, “Kali Ruman bashsha saṛa, amrar ar kunu bashsha nai.”

¹⁶ Teu hakim Filate solibor ufre loṭkaia marar lagi Isare tarar ato shomzai dila, ar sifai oḡole tanre loaia gela.

Hozrot Isa al-Mosir mout

¹⁷ Bade Isae tan solib nize boia ‘Qollar Saṛ’ namor zagat gela. Ibrani bashae i zagat nam Golgata.

¹⁸ Hino nia tara tanre solibo loṭkailo. Isare mazḡano, ar tan dui galar duio solibo oinno duizonre loṭkailo.

¹⁹ Ar Filate ekan oforad-nama lekia Isar solibor ufre lagaila. Ikano leḡa asil, “Nasarot gaur Isa, Ihudir bashsha.”

²⁰ Ze zagat tanre solibo loṭkail oisil, ou zaga ṭaunor ḡandat asil gotike bout Ihudie ou oforad-nama foṛlo. Ikan Ibrani, Iunani ar Ruman bashae leḡa asil.

²¹ Ihudir boṛo imam oḡole hakim Filatre koila, “Ihudir bashsha na lekia, afne ola leḡoukka, he koito, ami Ihudir bashsha.”

²² Filate koila, “Ami zeta leḡsi, leḡsiu.”

²³ Isare solibo loṭkanir bade sifai oḳole tan ḳafoṛ-sufoṛ sair baṭ ḳori baṭia nila. Bade tan kurtatao nila. I asta kurtar gola taki bain ḳora, kunu silai asil na.

²⁴ Erlagi sifai oḳole eḳe-oinne ḳoilo, “Ikṭa na siṛia borong loṭari mari deki, ḳar baiggot foṛe.” Ita goṭsil, zate asmani kitabor ḳota fole, kitabo leḳa ase,

Tara nizor maze amar ḳafoṛ-sufoṛ
 baṭa-baṭi ḳorse,
 amar kurtar lagi tara
 loṭari marse.

²⁵ Ar hasau tara ola ḳorlo.

Hozrot Isar solibor ḳandat tan ma, ḳala, Kulufar bou Moriom ar Mogdilini Moriom uba asla.

²⁶ Isae deḳla, tan ma ar maear hou sahabi daro ubai roisoin. Dekia foela tan ma're ḳoila, “Mai go, ounu tumar fua.”

²⁷ Ar sahabire ḳoila, “Bai, ounu tumar ma.” Ou shomoe taki i sahabie Isar ma're tan nizor goro loia gelagi.

²⁸ Erbade hokkolta shesh oigese zania, al-Zobur kitabor aeat zate fole, otar lagi Isae ḳoila, “Amar fiase dorse.”

²⁹ Ou shomoe hino eḳ zog ṭenga anguror shorbot asil. Tara eḳan tena ania ou shorbtor maze bizaia, esub gasor ḳeṭar matat lagaia usa ḳori tan mukor gese dilo.

³⁰ I shorbot ḳaia harle tain ḳoila, “Shesh oigese.” Oḳan ḳoia, tain mata nuaia aḳeri dom falaila.

al-Mosir lashor forikka

³¹ Azadi Idor agor din Hozrot Isae inteḳal ḳorla. Bador din asil ḳas fobitro eḳ Zummabar. Erlagi Ihudi neta oḳole saila, i diñ zanu kunu lash solibor ufre na taḳe. Ou tara hakim Filator gese saila, zate solibo zera ase, tara zoldi morar lagi tarar fao bangia solib taki lamani oe.

³² Teu Isar loge zerare solibo loṭḳail oisil, sifai oḳole era duiozonor fao bangi dilo.

³³ Tara Isar gese aia deḳlo, tain mara gesoin, erlagi tan fao banglo na.

³⁴ Oile eḳ sifaie sulfi dia tan fatti-aṛor mazedi far marlo, faṛor loge lou ar fani baroia ailo.

³⁵ Ze zone nizor souke i goṭona deḳsoin, tainu shakki disoin ar tan shakki hasa. Tain zanoin, tain zeta ḳoira ita hasa, zate tumrao ekin ḳoro.

³⁶ Ita oisil zate pak kitabor ou ḳota fura oe, kitabo ase, 'Tan eḳta aḍdio banga oito nae.'

³⁷ Eoḳan ase, 'Zara tanre gatise, tara tan bae sai roibo.'

Hozrot Isa al-Mosir dafon

³⁸ Ita goṭonar bade Arimatia gaur Iusufe Isar lash nita ḳori hakim Filator onumoti saila. Iusuf asla Isar eḳzon lukail ummot, ḳaron tain Ihudi neta oḳolre ḳoraita. Filator onumoti faia tain Isar lash nila.

³⁹ Age raitor bala zein Isar gese aisla, hou Nikodimeo mura-ator ar oguru mishaia onuman eḳ mon kushboe moshla loia aila.

⁴⁰ Ar Isar lash nia Ihudi oḳolor niom mafik ou kushboeala moshla maḳaia ḳafon findaila.

⁴¹ Isare zeḳano solibo gata oisil, hono eḳ baganor bitre faṛor guhar maze noea eḳta

ķeobor kudia raķa asil. I ķeoboro ķeurore dafon ķora oise na.

⁴² Ou din Ihudi oķolor idor agor din oae ar ķeoborķao ķandat taķae, tara taŗa-uŗa ķori Isare onou dafon ķorla.

Hozrot Isa moutor bade zinda oila ar boute deķla (20:1-21:25)

20

Hozrot Isa murda taki zinda oila

¹ Haftar foela din fozor oķto andair roiteu Mogdilini Moriom Hozrot Isar ķeoboror ķandat gela. Gia deķla, ķeoboror muk taki fattorķa horail oigese.

² Dekia tain Saimon-Fitor ar ze sahabire Isae kub maea ķorta, erar gese दौराia gia ķoila, “Hunchoin ni, huzuror lash manshe ķeobor taki tulia nisoingi. Nia ķoi raksoin amra zani na.”

³ Ķobor faia Fitor ar ou sahabi ķeoboror bae roana oila.

⁴ Duiozone eķloge दौराira. Fitorre ķore falaia hou sahabi age ķeoboror ķandat gela.

⁵ Gia unda oia deķla, ķeoboror bitre ķafon fori roise, oile tain ķeoboror bitre hamaila na.

⁶ Fitoro tan ķore ķore aila, aia ķeoboror bitre hamaia deķla, ķali ķafonķan fori roise.

⁷ Ze ķafonor ũkra dia tan mata banda oisil, ikan oinno ũkrar loge nae, alga fori roise.

⁸ Ze sahabi foela ķeoboror ķandat gesla, bade taino bitre hamaila, hamaia hoķolta deķia ekin ķorla.

⁹ Isar to murda taki zinda oa zorur, pak kitabor ou talimor mani age to era ķeu buzchoin na.

10 Erbade sahabi oqol zarzir barit gelagi,

11 oile Moriome koeboror kandat ubaia kandon lagaila. Tain kandi kandi unda oia koeboror bitredi saia dekla,

12 Isar lash zeno hutaia raqa oisil, hono dola kafor finno duizon firista boi roisoin, ekzon hitanedi, aroqzon fao galabae.

13 Firista oqole Moriomre koila, "Tumi kandirae kene go?" Tain koila, "Manshe amar malikor lash tulia nisoingi, nia koi toisoin zani na."

14 Oqan koia tain koredi saiteu dekla, Hozrot Isa ubai roisoin. Oile tainu ze Isa, Moriome ikan buzla na.

15 Isae Moriomre koila, "Ogo, tumi kando kene? Kare tukairae?" Isare baganor mali mono korua tain koila, "Deqoukka, afne zudi tan lash nia takoin, te kuai nisoin, koukka. Ami tan lash nimu."

16 Isae koila, "Moriom." Teu Moriom firia ubaia Ibrani bashae tanre koila, "Rabbuni", mani ustad.

17 Isae tanre koila, "Amare doria rakio na, ami to okono gaibi bafor gese ufre gesi na. Tumi borong amar baiainre gia ko, zein amar ar tumrar gaibi baf, amar ar tumrar Alla, ami ufre tan geseu zairam."

18 Teu Mogdilini Moriome sahabi oqolre gia koila, Isar loge tan deqa oise ar Isaeu tanre ita hoqolta koisoin.

Sahabi oqole zinda Isare dekla

19 Hou din, mani haftar foela din hainjabala sahabi oqol ekano dola oila. Oile Ihudi neta oqolor dore goror duar-kirki hoqolta bond asil.

Ermaze aқтаu Hozrot Isa aia erar mazқano ubaia қoila, “Assalamu alaikum.”

²⁰ Оқан қoia hari tain nizor duio at ar fatti-ағор зoқомор dag erare деқaila. Huzurre dekia sahabi oқol kub kushi oila.

²¹ Bade Isae hirbar erare қoila, “Assalamu alaikum. Huno, amar gaibi bafe zela amare faғaisoin, amio oula tumrare faғairam.”

²² Оқан қoia tain sahabi oқolor ufre fu dia қoila, “Allar Pak Ruhre qobul qoro.

²³ Huno, tumra zudi qeurore maf qori deo, te tar guna maf qora oibo, ar zudi maf na qoro, te tar gunar mafi milto nae.”

Sahabi Tumasor shondoe

²⁴ Hozrot Isa zebла sahabi oқolor samne aila, ou shomoe barozon sahabir mazor Tumas namor eқzon sahabi ino asla na. Ou Tumasre Zomoz qoia daqa oito.

²⁵ Erlagi baki sahabi oқole Tumasre қoila, “Amra to huzurre deқsi.” Tumase қoila, “Hunoukka, ami amar nizor souke zudi tan duio ator feregor dag na deki, ou zоқomo angul na lagai, ar tan fatti-ағор зoқомo at na dei, te kunumonteu ami ita ekin qortam nae.”

²⁶ Er eқ hafta bade hirbar sahabi oқol ou goro dola oila, erar loge loge Tumasо asla. Ou shomoe goror hoқol duar-kirki bond taқleo aқтаu Isa aia tarar mazқano ubaia қoila, “Assalamu alaikum.”

²⁷ Bade tain Tumasre қoila, “Tumar angul la-gaia amar duio at deқo, ar tumar at baғaia amar fatti-ағор зoқомo harao, ekin qoro, shondoe qorio na.”

²⁸ Teu Tumase қoila, “Malik amar, Alla amar.”

²⁹ Isae tanre ҡoila, “Tumas, amare deҡso ҡori tumi iman anlae ni? Huno, doinno tara, zera na deķiao amar ufre iman ane.”

Ou kitabor mul nosiot

³⁰ Hozrot Isae sahabi oҡolor samne aro bout keramoti nishana deķaisoin, ita hoҡolta to ou kitabo leķa oise na.

³¹ Ҙali ou goҗona oҡol leķa oise, zate ota tilaot ҡoria tumra iman ano, Hozrot Isau Alla Pakor oada ҡora hou al-Mosi, tainu Ibnulla, Allar ҡas maear zon, ar iman ania zate tan usillae tumra aķeri zindegi hasil ҡoro.

21

Shatzon sahabir loge zinda Isar shakkat

¹ Erbade Tibiria namor aoror faro Hozrot Isae sahabi oҡolre hirbar deķa dila. Goҗona ou laҗan oilo.

² Saimon-Fitor, Tumas zare Zomoz ҡoa oito, ar Galil zilar Ҙanna gaur Notonel, Zibudiar fuain shoho aro duizon sahabi eķloge asla.

³ Sahabi Saimon-Fitore logor erare ҡoila, “Ami mas marat zaiargi.” Tara ҡoila, “Amra-o tumar loge zaimu.” Teu tara nao loia mas marat baroila, oile i rait kunu mas faila na.

⁴ Fozor oҡto Isa aia aoror faro ubaila. Oile tainu ze Isa, era ikan buzla na.

⁵ Tain sahabi oҡolre ҡoila, “O beҗain, tumra kunu mas faisõ na ni?” Tara ҡoila, “Јi na, faisõ na.”

⁶ Isae tarare ҡoila, “Te naor җain galabae zal falao, teu faibaene.” Tan ҡota moto tara zal falaila ar zalo oto mas hamaila, ikan җania tulta farla na.

⁷ Ze sahabire Isae maea qorta, tain Fitorre qoila, “Ein to malik.” I shomoe Saimon-Fitoror gotro qafor asil na. “Ein to malik” oqan huniau tain qafor findia faldi fanit forla.

⁸ Oile baki sahabi oqole mase bora zalqan tani tani nao loia faro azila. Qaron tara far taki beshi duroi nae, onuman dui-sho at duroi asla.

⁹ Tara faro utia deqla angrar aguin, ou aguinor ufre mas ar ruqi.

¹⁰ Isae tarare qoila, “Oqon zeta mas marso, on tone qoeqa ano.”

¹¹ Saimon-Fitore nao taki zalqan faro tania tulla. Zalor bitre eq-sho teppannoqa boqo mas asil, tebou zal farlo na.

¹² Isae tarare qoila, “Ao, qao aia.” Oile kunu sahabie zikanir shaosh oilo na “Afne qe?” Qaron tara zanta, tainu malik.

¹³ Bade tain aia tarare ruqi qaite dila, oula biran maso dila.

¹⁴ Murda taki zinda oar bade, ou tin nombor bar tain sahabi oqolre deqa dila.

Hozrot Fitoror loge soal-zuaf

¹⁵ Tarar qaoa-daoar bade Isae Saimon-Fitorre zikaila, “O Saimon bin Iuhanna, era zela amare maea qoroin, tumi amare er taki beshi maea qoro ni?” Tain qoila, “Ji-oe malik, afne to zanoin, ami afnare qoto maea qori.” Teu Isae qoila, “Te amar meqa-baichchar raqali qoro.”

¹⁶ Isae hirbar tanre zikaila, “Saimon bin Iuhanna, tumi amare maea qoro ni?” Fitore qoila, “Ji-oe malik, afne to zanoin, ami afnare qoto maea qori.” Isae qoila, “Te amar meqar fal deqa-huna qoro.”

17 Bade tain tistrabar zikaila, “O Saimon bin Iuhanna, hasau ami tumar maear manush ni?” Isae tistrabar zikanie Fitor mone mone kisu dukito oia koila, “Malik, afne to hoꝓoltau zanoin, afne zanoinu afne amar kub maear zon.” Teu Isae koila, “Te amar meꝓa falor rakali ꝓoro.

18 Ami tumare hasau koiram, tumar zuankir shomoe tumi nizeu tumar ꝓomor bandia zeno kushi ono zaitae. Oile buꝓakir shomoe tumar at baꝓai dibae, ar oinno zone tumare bandia, tumi zeno zaitae sao na, hono loia zaibo.”

19 Allar gourob zair oar lagi Fitoror mout kilan oibo, oꝓan buzanit gia Isae ou ꝓota koila. Bade tain Fitorre koila, “Ao, amar loge taꝓo.”

20 Ou shomoe Fitore ꝓoreꝓedi saia deꝓla, Isar hou maear sahabi ꝓore ꝓore aira. Ou sahabie koedin age ꝓanit boia Isar bae zukia ꝓoisla, “Huzur, afnare dushmonor ato ze dorai dibo, he ꝓe?”

21 Fitore enre dekia Isare koila, “Huzur, en kita oibo?”

22 Isae Fitorre koila, “Ami zudi sai, ami dusrabar duniat na aoa forzonto he ono rouk, te tumar kita? Tumi amar loge taꝓo.”

23 Erlagi ummot oꝓolor maze ꝓobor roꝓi gelo, ou sahabi morta nae. Oile Isae Fitorre ikan ꝓoisoin na. Borong tain ꝓoisla, “Ami zudi sai, ami hirbar toshrif na ana forzonto he ono taꝓouk, te tumar kita?”

Lekok sahabir shakki

24 Ou sahabie ita hoꝓol befare shakki disoin ar leksoin. Amra zani, taꝓ shakki hasa.

25 Hozrot Isae aro bout ꝓam ꝓorsoin. Ita zudi eꝓ ek kori leꝓa oito, te oto kitab oito, ita asta duniae dorlo na one.

lxxxv

Sylheti New Testament (Latin)
Sylheti: Sylheti New Testament (Latin) New
Testament+

copyright © 2014 Ahle Kitab Society

Language: (Sylheti)

Contributor: The Seed Company

All rights reserved.

2020-11-30

PDF generated using Haiola and XeLaTeX on 18 Apr 2025 from source
files dated 29 Jan 2022

2eb27397-6d35-5c13-b811-aecd7920507c